

緣督廬日記抄

緣督廬日記抄序

同治庚午余從怡雲朱先生游居正誼書院緣督葉君時過先生齋以文字相質正余始得識君于時郡城士以文學名者嵩隱王君渭漁袁君及君而三余與王君有戚誼而兄事袁君君長余五歲方銳意治詞章為文力追漢魏唐以後不屑學余既已心欽之君旋佐馮林一先生修郡志居盤溪志局與潘參侯管中李蒿隱渭漁諸公相砥厲治漢儒經說旁及金石目錄考訂之學孟晉超羣其願彌宏余雖日侍師門自媿望塵莫及矣君以光緒丙子舉於鄉譽望日隆潘文勤吳憲齋汪郎亭諸先輩爭相延致顧以弟亡母老或屢聘不就或甫就即歸蓋篤內行而澹榮利故甯家居盡菽水歡不願絕裾以赴功名也已丑入詞館同官京朝余與君蹤跡始日密君不通聲氣不驚時名

閉戶著書無異寒素酷嗜金石文字山巖屋壁斷楮殘拓珍如性命以余有同好時有會合語不及他嘗喟然曰搜求半世以視青浦陽湖所著錄頗不逮其六七信哉古人不易及迨余視蜀學君赴隴輶兩省石墨時以郵筒相遞贈丙午以後政局日新君任滿告歸遂不復出辛亥之變余遯跡青島君假館滬濱每歸省松楸必過君齋則猶丹鉛不輟余謂著書難本朝嘉道後人則更難獨君之藏書紀事語石二編乃二百數十年間無人薈萃之創作文字一日不滅此書必永存天壤君亦可稍自暇逸矣君雖歆然而心恚余為知己也孰意不數月而君遽棄此世耶此日記乃蒿隱農部之子君九從君手稿錄出始庚午即余識君之歲終丁巳則與君永訣之秋也其間所記春明舊事皆與余共海王閱肆清秘論文賞析之歡憲憲在目蒿隱中

道卒著述無多有賢子能傳家學朱先生以老壽終僅遺文一編余識而刊之渭漁成進士觀政比部旋卒著書亦未成獨與君相聚最久晚遭患難意契益篤今展此手記則君亦墓木成林可勝慨歟昔亭林顧氏揭兩言為士則曰博學於文行己有恥如君者殆可無愧斯言君觀人論事皆具卓識記中於戊戌知新舊水火之爭將啓陽九元黃之禍於乙巳斷言督撫中項城不足恃惟文忠公升允為社稷臣其燭照若著龜惜乎君之僅以文學見也剗剗既竟君九丐序於余因書此以應之歲在重光協洽仲秋之月既望鈍叟吳郁生序於青島寓樓時年七十有八

緣督廬日記為我年丈葉鞠裳侍講之遺稿經始於同治庚午閏十月十三日絕筆於丁巳九月十五日即其易簣之前七日

也前後四十八年按日記錄偶有間斷亦撮其事之鉅者追書之原本共四十三冊年丈易簣之際遺命以一切手稿付及門潘仲午丈暨舊幕汪君星台謹藏日記因有藏否時人規誨親故之詞戒勿以全稿示人壬戌亥間仲丈先輯其詩付梓功未及半仲丈遽卒此稿歸之星台踰年而星台亦卒年丈之戚王康吉廣文議以未竟事諉之於烈烈雖黜陋顧念年丈肖像早亡高弟繼卒排比遺著後死奚辭爰由仲丈從孫博山向汪氏索此日記授烈烈先將遺詩悉為錄出成奇觚顧詩集五卷殺青行世同邑章式之外邵亦年丈生前文字交也因助校詩集假讀日記謂年丈一生為學之要與數十年朝野故事胥萃於茲尤宜輯錄付梓以廣流傳烈心善其言而兵戈徧地遠徙無常扁之篋衍未遑展卷及前歲移家遼東始取此稿次第迄

錄於已梓行之古今體詩及米鹽凌雜往來酬酢無關宏旨之言與夫規誨親朋之失年丈不願示人以傷忠厚者皆節去之成書一十六卷約得原稿十之四題曰緣督廬日記抄烈維年丈外和而內介學博而行修轍跡半天下交游盡當世之賢其為學之勤內行之厚立品之卓藻鑑之明取予之嚴見聞之廣皆見於日記中此一編者非第仰止先賢關心文獻者所宜亟讀欲知近數十年中之學術興衰風俗隆替政治得失皆當於此探求焉式之外部歎為山海之藏取材無盡諒哉斯言書成撮其大旨以告讀者非敢云序也至於剗剗之費公女夫王心葵首允出資校勘之役博山景鄭昆弟任之三君高誼皆不可及云己未重九日年家子同邑王季烈謹序

緣督廬日記抄目錄

卷一 同治庚午至光緒丁丑凡八年

卷二 光緒戊寅至癸未凡六年

卷三 光緒甲申至乙酉凡二年

卷四 光緒丙戌至丁亥凡二年

卷五 光緒戊子至己丑凡二年

卷六 光緒庚寅至癸巳凡四年

卷七 光緒甲午至戊戌凡五年

卷八 光緒己亥至庚子凡二年

卷九 光緒辛丑全年

卷十 光緒壬寅全年

卷十一 光緒癸卯至甲辰凡二年

卷十二

光緒乙巳至丙午凡二年

卷十三

光緒丁未至宣統己酉凡三年

卷十四

宣統庚戌至壬子凡三年

卷十五

癸丑至乙卯凡三年

卷十六

丙辰至丁巳凡二年

緣督廬日記抄卷一

同治庚午至光緒丁丑凡八年

長洲葉昌熾著

邑後學王季烈輯

庚午孟冬閏月

館桃花塢貝氏及郡志局

余任分局中同事十人柳質卿

賢府襄廷晉著

施擁百聲書

張潤卿

沈紹齋

清苑

黃梅先

禮讓

袁渭漁

寶璜

管中季

禮耕

潘小白

世淵

夫子也王西山夫子與熾同館

貝氏姚鳳生

茂才

王起為

館

中居停主人均得朝夕過從郡志總纂為馮景亭夫子桂芬

貝館徒兩人一女弟子

十三日補寫玉溪生詩兩頁讀石志一卷為改正舛誤兩條

十四日補寫李集一頁畢讀石志半卷為改正舛誤兩條

十六日讀郡志一卷有奇

讀書僻典不解奇字不識附錄于左以備稽考下同

莫 硯

十七日讀石志一卷有奇摘影言三條

隸 穀 擊 成 賧 綢 熱

嘗 銑 筠 頓

城 祀 霍凌

十九日讀郡志半卷摘影言五條金鑰一條

廿一日讀石志半卷得吳事兩條

篋 鄭 黑 歲

廿三日讀石志半卷

儔

達魯花赤

廿四日讀石志半卷心緒瞽亂過目即忘

羽明車社

廿五日讀石志一卷摘影言一則約千餘字

廿八日午後作七律兩首輓張厚甫夜返舍讀黃仲則詩撫卷
興悲潛焉欲涕矣

廿九日晨謁周師午後訪朱怡卿培源論文家宗旨頗多新得

仲冬

初四日周師晨來侍師至局總纂分纂均在質丈以崑山歷代
名賢墓志命余編纂

十一日三妹于歸隴西妹倩氏李名文浩余表棣也

十七日夜讀郝經續後漢書兩卷一卷闕從幼華燒
文處借來

十九日讀郝書五卷中一卷闕訪笙鄉并晤吳蔚若郁生怡卿

高足也陸鳳石潤庠有柬來

二十日讀郝書兩卷

廿二日晨之館

自三妹于歸居停卜宅奔走旁午不暇操翰雖或偶有流覽而坐作起輟無足書也明日為始擬改課例單日理經史百家雙日攻帖括晨臨篆楷夜作鈔胥逢十作時文逢五作散文

廿三日讀郝書一卷寫董方立駢文一頁

廿五日讀郝書四卷寫董文兩頁

六韻

廿七日讀郝書兩卷

廿八日寫董文兩頁

廿九日讀郝書四卷寫董文兩頁作跋語一則工竣鳳生寄余冊頁十二幀雜臨歐虞顏褚各種清勁渾厚直入諸賢之室信尤物也瓊瑤之報俟之後日

季冬

朔日讀郝書一卷

初三日亢勺山世桷以小詩相質語頗清雅

初五日之局中分纂除周師申渭外均集并晤鳳石及馮培之芳植馮師以明年質丈北上欲以余承其乏今日議定

祁

儘

習

髦

初七日讀郝書兩卷周師東來邀同人郢祝會課

初八日選定墨卷三十篇以供占畢昌黎有言低心逐時趨賢者不免況鄙人乎

初九日讀郝漢書一卷

初十日郢祝會課清晨入社二鼓脫稿晤蘊苓夢薇秦石麟毓
麒佩鶴綾章吟燕愛揚汪燕庭也馬繩孫昌頤管立人禮謀

汪子研麟昌

賦題槃圓杆方

以規矩方圓
之至也為韻

詩題江春入舊年得春字

十一日讀郝書一卷

十三日讀郝書四卷謁周師郢祝會課案潘順之夫子遵祁評
定余取二名師評云非熟于漢魏六朝者不辨馮師屢評余
駢文云神似六朝趙晉卿夫子韵亦云子文無他只讀得漢
魏六朝書熟耳不意三師痼癖吻合若此嘗作無非事者兩
句題文質諸周師師云飾色處均非凡艷是以六朝為時文
也乃知情志所喻不煩造作蹊逕自合若規規以形迹摹之

恐蹈東家女故轍矣

十五日讀郝書兩卷

十九日至萬年樓茗話晤周師墨懋陸九芝丈懋修撤茗小飲
酒肆更餘返舍携歸夢翁焦桐小草三卷簡端有王芾卿叔
炳駢序一首隸事屬辭俱極工鍊其格在尤展成吳蘭次之
間槩之乾嘉諸子尚不及也擬作一首以古淡勝之未知果
否

廿一日讀郝書一卷夜讀郡志

廿八日作賦一篇為劉師捉刀也古情奇氣師見之定當刮目
題擬孫興公遊天台山賦以赤城霞起瀑布飛流為韻

晦日夜接竈祀井懸祖像昨日祭祖

今年自春徂冬據于蒺藜困厄備至惟筆墨生涯則差勝疇

言一
昔而已明年若仍故轍斷難為情冥心枯索良用悵然

辛未孟春

初一日赴舅氏午宴陪章彩南祭酒游獅子林謁陳公祠園亭
蕭索闕無一人石丈人有知當知我二人非熱客也

初五日讀郝書三卷

十一日讀郝書四卷

廵

十四日晨赴馨樂園品茗晤兩師兩鳳陳穎伯世昌撤茗訂踏青
之約午後謁周師侍師訪鳳石偕出閭門登飛丹閣品茗王
師前茅夢薇後勁飲罷散步春郊衣香鬢影景光綿邈登品
僊樓茶話雲構風檻璚彬綵繅四座諸君皆翩翩車馬衣服
麗都啓牖四望玉壘旌旗畫樓鼓角覺妍媚中兼有雄傑氣

象也日落進城有雛僧號于道王師詢之蓋為同寺僧誑逃而棄之半途者師挈入茶樓究其始末語頗合符遂擬送之恤孤局中命賦先歸時月色瑩然矣

十五日讀郝書五卷寫許鶴巢廉賜詩與齋駢文始

十八日作王夢薇詩序一首氣息淵雅神似蕭梁諸子希卿見之其許我手中有句云臨淄綴簡敢誦敬禮之文青陽屬辭恐塞韓生之鼻鳳石見之擊節數四然其佳處雅不在此廿九日訪鳳石不晤晤九丈與九丈談醫理心頗好之連日沈潛帖括胸次躍躍舉止皆乖然歲試在邇佛脚之計不得不爾也

仲春

初四日午前命役肩箱篋至局旁午赴局晤襄廷小白先生安

排床褥書案尚為妥當小白文住園旁邃室中余及襄廷共居樓上

初五日讀郝書兩卷

初七日讀郝書八卷

獎

慶

苦

暘

頽

十一日購吳江縣志一部路文貞公集一部

十九日午後偕襄廷小峯梅丈中季渭漁茗敘錦鳳樓談局中章程甚棘手也讀郝書兩卷

二十日同人以鳳石北上朝考祖餞閭門午後席散訪鳳生鳳生以近作相示僭為加墨但未知當否

廿二日之局司事葉苜蓿云吳縣志書擬附局中編輯分纂馮小尹應園不日住局

廿三日讀郝書一卷

廿七日讀郝書兩卷

春季

十二日讀郝書四卷

十三日讀郝書四卷

十四日讀郝書一卷購湯若士王茂遠兩先生傳稿

十九日霖雨彌日在舍枯坐取山海經讀之環誦數遍頗有心得

二十日至局知馮師書來余與梅丈有採訪之役不日將束裝矣

廿一日讀郝書一卷小峯以上海縣志屬鈔申季屬校鈔難校易不如助鈔

廿三日鈔滬志晨興夜輟手腕幾脫

廿四日鈔滬志竣約三十頁校滬志一本

廿五日讀郝書兩卷

廿七日讀郝書一卷

廿九日讀郝書五卷

孟夏

初一日馮師函來命余偕小尹下鄉採訪午後登舟泊棗市橋
夜納涼船頭觸景成五律一首率爾為之不甚工也小尹成
七絕一首命小童喚十三都一園里正王德明詢里境界限
初二日清晨即登岸採訪凡道里橋梁壇廟寺觀坊表金石靡
不一一考證約行五六里登舟午餐午後行二十里左右共
盡三圖奔走烈日之中踽踽荒草之間樵夫牧豎或以為癡

或絮絮相詰問，非測也。讀琉球貢使陳景陽墓志銘，重脩虎嘯塘記。

高宗純皇帝宸翰三章諸碑，均僊仆草間剔鮮讀之，不甚了了。游崔君廟，廟壁亦有碑記文字，俱劣不肖讀也。

初三日曉起登岸採訪，終日約行三十餘里，盡兩園道訪霽舫、質問疑義、茗話三峽泉游、三元道院、三鄉洞庭君廟、問三宿庵、藥王廟、金仁山先生祠、故址讀盛氏家祠記、重建河界塘記、重修三鄉廟三記、五碑一仆草中，餘尚完好。喚渡王家莊口，獨立亂瓦中，四顧無人影，淒然有感。成五古一章，夜大雨舟漏，衣被俱溼，披衣跣伏達旦未寐。

初四日平明舟漏更劇，憤甚，作五古一章，命舟師返棹盤谿。初五日讀郝書三卷。

初八日讀郝書兩卷周師梅丈渭漁均來午後與渭襄擁三君
陪周師游泮宮別草語石評其好醜以竹鶴兩篆為冠云包
子丹司鐸杜生烹茗相餉書室中圖書插架花氣滿庭極饒
幽趣興盡復游前撫署園中亭臺池沼盡態極妍

初九日局期公擬采訪規條

初十日局期公擬纂修章程馮師命余移研瀆川約廿一日就
道

十三日晨偕小尹襄廷出胥門登包山航船旁午之瀆川遇夕
丈商賢母舅由胥口渡湖晚遇風雨泊龜山嘴湖光萬頃與
天相接峯巒環抱若拱若揖奇觀也夜泊鎮華港口登岸訪
袁亦齋先生鍾琳并晤其少君味三同爨即借榻其室得五
律一首次小尹韻

十四日蚤起偕襄廷小尹入林屋山游第九洞天所謂金庭玉柱者邈不可見且天氣陰霽洞中石乳涓涓如滴溜地滑不能止履臨崖悵望神遊而已洞口有王文恪公題字長白德公書兩洞二字圓勁入晉人之室惜匆匆不及摹搨也沿無礙泉而左有無礙庵一名九洞庵叩扉入山民採枇杷相餉山地燥瘠數種五穀滿山皆果木也時麥畦乍秋枇杷正熟如韓嫣彈如熊條九離奇錯落凹凸皆是客之所至恣其飽噉特須主人自採之否以為竊也訪羽士梅僊闢徑止宿命僕肩行李至觀重訪味三偕游包山夾路樹木陰翳不漏日影游顯慶禪院寺係蕭梁年所建庭中有石幢四面皆書梵經唐人手跡也寺僧德源供枇杷并烹碧螺春餉客色香味俱佳出廟頭囑書四人各書一方即景聯五古數十韻薄暮

欲游毛公壩雨阻未果冒雨返靈祐觀沽酒對飲夜蚊市極
盛幾不能睡成七律二首裏廷小尹味三均賜和

十五日午後偕小尹裏廷游石公山自梧岡迤邐入山達歸雲
洞洞中供大士及諸菩薩像大士像側立曇華妙鬘莊嚴無
比洞壁亦呀呬奇絕遠節烈祠至石公禪院上斷山亭來鶴
亭石壁千仞題曰礪岳望太湖煙帆浩渺如在几席間湖中
諸山亦歷歷可觀寺僧念心邀至清譽堂小坐并留宿意極
款曲枇杷為諸山之冠白實而孤核其甘如蜜惜念心寶之
不復更進也夜復登來鶴亭星斗澆漾湖風襲人峭崖叢木
間磔磔然飛而過者鵲也稍坐捫蘿下山入禪房小飲成七
律一章夜即宿山中

十六日晨繞石公山而東石公石姥在焉兩石列峙湖濱俱似

老人鵠立狀公姥之稱信不誣也望一線天四面皆亂草無
上山路逕也最高處鐫二字曰雲梯旁鐫四字曰縹緲雲聯
又有一大壽字方尋丈筆勢雄厚顏平原之傳也下山由舊
路返靈祐觀午後復探林屋洞赤腳撩衣蛇行入數武許水
將沒蹀因出洞登山之絕頂山石皆豁砢中立裂紋相懸尺
餘人跨其上一失足則深淵無極不知墮落何所矣望山中
村落了了在目味三繼至亦登山徘徊一時許返寓

十七日晨由前舟渡太湖中流風雨大至泊香山支港登岸買
錫糕數片嚼之風息冒雨開舟夜泊木瀆鎮蜩曲而睡困憊
萬狀成五律一首疊前韵小尹主僕獨留山中

十八日晨達胥江泊舟進城

二十日南宮信至長元脫科吳縣中汪哲人昌一人趙王兩師

捫擋入都頗為艱苦而僊蹇如此何以爲情一再思之不禁
淚浪浪下也

廿二日小峯以晉唐法帖數本相示蓋友人託售者物甚佳而
價極昂恐不能得也追想湖中遇雨之苦成五律一首

廿四日讀郝書四卷

廿五日午後侍師赴瀆川登岸未日落也安置書案與申季聯
席與春波丈聯床

廿六日終日校府志夜讀郝書半卷校邠師以舊志星紀圖歲
差度數不合命熾刊正而儀象諸書夙未流覽開卷茫然不
辨是否師爲親自校正熾惟承口授數語籤出而已一物不
知儒者之恥能無汗顏

廿七日終日校府志夜讀郝書半卷

廿八日終日校正府志以後日課校府志

三十日作律師兩首古詩十三首

仲夏

十三日讀郝書一卷

十四日夜讀郝書兩卷

二十日訪醉丈丈以綠蘿山莊文集相贈

廿一日夜讀郝書一卷

廿四日讀郝書一卷夜有星隕于西北光燄燭天

廿五日夜有流星色紅有聲

廿七日襄廷有函來知管洵美先生於昨日作古可勝感喟題
顧樂泉坡仙琴館圖五古一首為校邨師捉刀也讀郝書一

卷

廿九日讀郝書一卷

三十日讀郝書一卷

季夏

初一日趙師來附師舟返舍得五律一首

初二日晨訪質丈申季渭漁皆晤之申季哀毀頗異曩昔

初四日讀郝書一卷

十一日代校邠師作七絕兩首讀郝書兩卷

十二日讀郝書兩卷作史論一則

十三日讀郝書一卷

十四日讀郝書一卷

十六日讀郝書一卷

十九日作五古一首寄薛以莊索和

廿二日讀郝書一卷

廿四日作朱孝子序贊頗不俗

廿六日讀郝書一卷

廿八日作秀水王秋樵墓銘一首校鄉師命作也

廿九日讀郝書三卷

孟秋

初四日讀郝書一卷

初七日讀郝書一卷

初九日讀明人小說十餘種

廿二日讀郝書一卷

廿三日讀郝書兩卷

廿四日讀郝書兩卷

廿七日讀郝書一卷

廿八日讀郝書二卷

仲秋

初五日檢點師友尺牘大都此邦之矯矯者而破壁飛去卒渺其人天為之乎時為之乎不禁三歎

初七日讀郝書一卷春丈進城襄丁祭事僕艱于跋涉乃爾退縮甚自歎也

初八日讀郝書兩卷

廿二日侍大人叔父掃墓泊舟行春橋畔石湖先生祠已重建完好如舊治平寺亦架棟矣

廿三日得校邠師書聞襄廷竟不起且驚且悲不禁淚浪浪下也余未冠時同院肄業諸君太倉王翰臣廢為最先殞平之

繼逝襄廷今又死矣襄廷於同輩中才名尤卓絕詩古文詞以造訓詁帖括無不工性尤峭直余近年來益友無踰襄廷也春文怡卿亦相對潸然

季秋

初一日讀郝書一卷

初九日培之約登高同行者八人惟潛園主人錢君蘊藉無躁氣吳竹亭亦純厚長者先游無隱庵庵在仰天山麓俗所謂馬鞍山也山衲烹茗餉客供風雨梅甘脆清雋名品也觀錢武肅金塗塔搨本錢樸溪題壁詩石刻登樓四眺遠景在目因思昔年偕襄廷鳳石鴻渚同登此山老僧鹿苑談話彌洽今襄廷赴玉樓鹿苑亦圓寂虹渚鳳石南轅北轍天各一方而僕又跼蹐作轅下駒傷今懷舊悲來填胸矣下樓茹素起

果腹遶山行登天平山下白雲山衲法清出款客觀仙人跡
鉢盂泉鸚鵡石時秋寒未作滿山楓葉不過數點紅也稍憩
登中白雲一線天余興致方勃勃不可遏而暮色蒼然諸君
亦力倦思返矣獨升數十級下山循下沙塘到館已薄暮矣
十二日讀郝書四卷終此書自去冬展卷課杪讀之今纔一周
耳甚矣讀書之遲也

十四日代校邠師作七律兩首

十五日讀馮贛南部煙花記終卷

十六日讀粧樓記北里志均終卷讀商子兩卷讀教坊記

二十日附堂船下瀆出盤門口號一絕

廿一日偕申李伯淵游潛園叢樓古木彌望青蒼樸茂之致

廿二日讀商子

廿三日讀商子代校邠師作駢啓一首

廿四日讀商子終卷

廿五日讀文子道原一篇

廿六日讀文子數篇

廿七日讀文子自然一篇

廿八日讀文子終卷

廿九日讀通隱堂詩

晦日復讀文子自然上德兩篇

孟冬

初一日偕申季春文伯淵游澗上草堂門外澗水如帶阻絕人踪申季樞衣先進余繼焉屐履皆濕入祠瞻徐侯齋吳稽田戴南枝三先生栗主讀文柱碑記歸途丹楓翠壁迤邐如畫

令人神移夜成七律一首申李有和作

初二日鳳石自春明旋里喜極造訪不值

初七日讀更生齋乙集芾卿來定志局館

初八日讀洪稚存集

初九日讀洪稚存集校邠師命撰李協揆壽序構思數日矣大局粗定而詞句尚待研鍊也

初十日偕申李撰定清單移縣開取公牘可備修志採擇者逐條細詰無異策問

十一日偕春文申李游周氏廢園桑竹陰翳池寬一畝極開曠之勝池邊猶有舊時疊石痕也

十四日成壽序半篇

十五日壽序成購古文詞類纂一部直錢一千一百五十八文

十七日購駢體文鈔一部此書為駢文家所必不可缺余欲購
數次矣囊匱而止得之頗未易也

十九日余以境地艱迫告助友生為四總會每總四人每人五
千文合一百千文三月一舉第一期於是日舉行

二十日讀吳越備史一卷

廿二日讀吳越備史三卷全

廿三日讀尚書大傳一卷

廿四日讀尚書大傳二卷

廿五日讀大傳兩卷并考異補遺全

廿六日作連珠八首輓柳節母余太孺人讀賈長沙集半卷

廿七日讀賈長沙集全

廿九日讀司馬文園集

冬仲

朔日讀文園集

初七日讀錢梅溪履園叢話

十二日讀文園集全讀膠西集數首

十三日讀董膠西集全

十四日讀劉向列女傳四卷

十五日讀列女傳四卷全

十六日讀汪子文錄兩卷

十七日讀汪子文錄一卷

廿二日讀汪子文錄

廿四日讀汪子文錄竟

廿六日讀東方朔集

廿七日讀東方朔集竟

廿八日讀阮元定香亭筆談

廿九日讀吳翊鳳東齋臚語朱象賢聞見偶錄

冬季

初一日讀聾道人燕都識餘又褚少孫集半卷

初二日讀褚少孫集竟又山陽錄書事七則

初三日覆讀褚少孫集

初四日讀王子淵集

初五日讀王子淵集

初六日讀劉子政集

初七日讀劉子政集

初八日讀揚子雲集

初十日讀吳越春秋

十一日讀吳越春秋楊子雲集

十二日讀劉子駿集偕春史申李伯淵訪張永夫先生慕摩挲石碣徘徊久之登靈巖山望太湖全湖在目余前所作詩未能寫及萬一也三君皆不能從立山下以俟歸作詩一首

十三日讀馮曲陽集

十四日讀漢書馮衍傳班孟堅集

十五日讀班孟堅集作駢序一篇代校邠師也

十六日讀班孟堅集

十七日讀張平子集

十八日讀張平子集

十九日午後登樓望晴雪作詩一首

二十日作嶺上白雲集序未知能與怡芾兩君頡頏否

廿二日讀張平子集

廿五日詩序呈政九芝先生似甚不愜意者余文誠不足以動人也

廿八日讀清容居士集

廿九日讀清容居士集

壬申孟春

初三日讀清容居士集李斯刻石數首

自後至癸酉九月皆失記特略書其事之大者於左 二月

移局桂隱園住局四人潘梅生文錫爵及質文芾卿其一余

也申季仍留師處 八月學使者案臨余詩古取九名科試

四名覆試改三名怡卿襄卿舉拔萃科 十月娶婦王氏

癸酉正月偕芾卿夢薇游光福鄧尉諸山宿柏因社得詩二十餘首移局馮氏新居 四月芾卿辭志局館應京兆試八月赴南京應試 九月報罷鳳石蘊苓醉文舉京兆試十月質夫進城看各省通志不住局

癸酉孟冬

初一日午後芾卿自燕歸來訪把晤喜極

初三日芾卿有書來取去局書一箱託余至金陵買得者

初七日購撫古遺文一部泉五百文

初八日夜校史記

初九日夜校史記

初十日夜校史記

十一日夜校史記

十二日代校邠師作七古一首題李中丞桓山歸懼圖夜校史記

十三日夜校史記錢氏史記拾遺

十四日夜校史記王又文恪震澤長語畢錄敬齋古今莊

十五日夜校史記自月朔為始日寫魯公書七十八十字作為日課

十六日午後偕同人訪徐文敏公綰墓石碑已為人盜去僅存碑額及屬壘而已又登螻蛄嶺山勢絕平坦然升降猶需人扶掖足力不濟無過余矣夜校史記敬齋石笥山房集

十七日夜校史記石笥山房集檢李申耆先生集

二十日代培之作七律一首題威省愚小影夜校史記王本六毛本對

廿一日觀美國士人禱理哲地球說畧亞細亞夜校史記六國表

秦楚之際月表

廿二日連日讀儒先書冀以收束身心而橫逆之來仍悻悻思
逞即強自消遏而纏繞中懷終難自然融化此固氣質之偏
亦涵養工夫全未體會也謹書于此以後當觸目警心勿涉
故態

廿三日夜校史記

漢興以來
諸侯年表

廿四日夜校史記

漢興以來
諸侯年表

廿五日夜校史記

高祖功臣
侯年表

廿六日夜校史記

高祖功臣
侯年表

廿七日夜校史記

高祖功臣
侯年表

表

廿九日夜校史記

惠景間侯
首年表

三十日夜校史記

建元以來
侯者年表

仲冬

初一日夜校史記建元以來王侯者年表

初二日渭漁送鄉試落卷來十三房梁僖年薦堂備房批氣盛

言宜情文並茂次三亦見才華詩穩二場才力縱橫排鼻識

趣淹博宏通三場條對詳明元元本本堂批文成法立而筆

機活潑時見才思詩意體諧適審其情形似係額溢見遺豈

所謂有命存耶

初四日世經堂送書來國學紀聞本湖海文傳五音韻譜四憶

堂詩集共費洋三元八角并貼免園冊廿部

初八日訪希卿局誌志

初九日夜校史記漢興以來將聞浙中新科孝廉某以固奸致

死事斥革可謂奇絕

初十日補抄呂覽一葉辨土夜校史記書

十一日補抄呂覽一葉審時夜校史記書

十二日補抄呂覽一葉審時夜校史記書

十三日嚴寒晨起硯池冰凍不能作楷改校史記夜仍校史記

書

十四日寒益厲表僅三十分始見冰箸門外河水涇冰寸許晨

夜校史記書

十五日寒益甚表僅二十七分晨校史記書

十六日寒如前校史記書

十七日大寒表縮至二十四分十餘年來僅有之冷竟日曠課

十九日午後登三層樓瞭遠四山環抱井甃分列一鎮室廬皆

隱隱在目中山峰處恍惚露太湖一線徘徊登陟頗足暢

滌襟抱夜校史記訖官聞鄉人言太湖中流有二舟膠於冰其一得救寒餓死者五六人其一離岸更遠不能赴救當無才遺矣蓋今年奇寒五六十歲人皆謂身所未經亦災異也二十日天氣稍和晨起仍改作楷書夜校史記訖官

廿五日聞官軍收復甘肅省城左季高制軍進位協揆由乙榜入相本朝第一人也夜校史記訖封禪書

廿六日夜校史記封禪書語之禪書揮著華錄評

廿七日夜校史記封禪書

季冬

初一日元夕山惠玉句草堂本社詩一部至世經堂觀書數種頗合意惜以價昂不能得

十七日夜校史記封禪書連日以精神疲倦曠課靜攝至今日始

復舊課

十九日夜校史記

平準書

二十日整理架上書頗覺清爽豁目影寫說文韻譜兩頁補讀

長歸難蜀父老文薛元卿隋高祖頌

廿一日為景師整理書籍約二十架分經史子集四部偕申季伯淵兩人自朝之暮僅得小半功夫然已不勝其僊矣連奉樛園兩函知其令祖也魯先生作故

廿二日理書竟日籤排鱗次楚楚可觀矣讀樸學齋文

廿七日得儀鄭堂叢書一部價洋七元重訂叢稿

廿八日夜校史記

吳世

廿九日夜校史記

齊世

三十日校史記

曹世

管蔡

世

向例逢除夜必出尋友茗譚今

年獨未出門創例也

甲戌正月

初一日校史記

陳杞世家

錄舊作數首

初二日夜校史記

宋世家

初三日夜校史記

晉世家

初四日夜校史記

楚世家

初五日夜校史記

趙世家

滕舊作

初六日夜滕舊作

初十日夜校史記

趙世家

十一日偕梅丈採訪竟日惟善慶寺僧再松可與談

十二日夜校史記

魏世家

田完世家

十三日夜校史記

孔子世家

十四日夜校史記陳涉世家

十五日採訪半日竟吳趨坊一段

十六日夜校史記世家

十七日午後偕二弟採訪夜校史記楚元王世家至留侯世家

十八日夜校史記陳丞相世家至梁孝王世家

十九日夜校史記五帝世家至三家世家

廿一日晨下瀆局中添賦秋芾卿兩人俱需三月後到局

廿二日夜校府志壇廟吳江縣志對校

廿三日夜校府志道觀夜校史記過批題

廿四日夜校府志僧寺

廿五日夜校府志吳江志畢繼夜校史記過批題

廿六日作七絕八首先生

廿七日校府志夜覆校史記世家

廿八日校府志吳門表夜覆校史記世家

廿九日校府志夜校史記梅丈夜飯後陡犯中風至寅正竟不起可為駭歎

仲春

初二日觀南宋雜事詩

初三日校府志

初四日校府志

初五日校府志煙水城

初六日校府志夜觀段柯古西陽雜俎

初七日校府志

初八日校府志太湖備考

初九日附伯榮舟進城夜觀白石道人集

初十日申季合卷

十八日購岳珂程史一部史林測義一部直錢一千二百文

廿二日得石印四方其一為崧甫先生物擬贈蔭南

廿四日午後下漬至橫塘有石灰船為風所激碎于石一舟之灰盡沈于水橋左右波浪鼎沸魚蝦無噍類可為無妄之災矣

廿六日纂府志夜讀酉陽雜俎

廿七日纂府志

廿八日理九縣守取事宜

廿九日午後進城

季春

初一日學憲獎賞送近思錄小學制藝各一部

初二日讀姜白石集

初三日讀白石道人集終卷

初六日竟日編說文

初八日夜理說文

初九日理說文午後赴漬

初十日校府志

十一日午後理府志

十二日理府志春丈申季賦秋先後來又徐愛杉丈煮鮑亦於是日到局即移卧具至舊居五人同室頗不寂寞

十三日讀杜工部集

十四日理府志

言一
二十五日理府志夜讀工部集

二十六日理府志讀杜集

二十七日理府志

二十八日理府志夜讀工部集

二十九日理府志

三十日理府志夜讀工部集

三十一日理府志

孟夏

初一日理府志

初七日校邠師病重

十三日景師於卯刻竟不起不勝山頽木壞之感

廿八日讀駢體文鈔

廿九日讀駢文略加眉註

仲夏

初十日觀陝西通志

十一日觀各省通志夜讀酉陽雜俎

十二日初作隸體自後隸楷兼寫校各省通志觀酉陽雜俎

十三日校各省通志

十四日校各省通志聞正誼山長聘定蔣心香先生

十六日校各省通志

十七日校各省通志夜讀酉陽雜俎愛文出示陳滄洲墨蹟及
明大尺牘數種

十九日偕同人妥議志局章程勒限明年五月底完書自後當
拋棄一切專心從事於斯矣志局新聘定趙晉卿先生

二十日寫說文部首歌校各省通志竟

二十一日續完部首歌寫志局章程

二十二日理府志

二十三日理府志成崑山壇廟目錄

二十四日理府志成新陽壇廟目錄

二十五日理府志成常昭兩縣壇廟目錄夜看駢體文鈔

二十六日理府志成江震兩縣壇廟目錄

二十八日補壇廟目錄

二十九日補壇廟目錄

三十日補壇廟目錄

季夏

初一日補壇廟目錄

初九日讀管子幼官篇

初十日偕芾卿同舟下瀆在城見蔚文琅嶠理諭載臺事頗悉
日本之中將為西鄉從道調停者為柳原從中峻使為美人
李讓禮近聞大修戰具和與戰事未可知也

十一日補壇廟目錄

十二日購厯代輿地沿革圖共計二十張錢六百三十文

十三日纂府志

十四日纂府志

十五日纂府志

十六日纂府志

十七日纂府志

廿三日纂府志

廿四日纂府志

廿五日纂府志

廿六日纂府志

孟秋

初一日午後聞春文訃駭絕春間某文死秋來春文亡者舊凋
零真堪慨歎

初六日購禮記偶箋周易補疏羣經補義各一部錢六百文又
文心雕龍一部洋三角

初七日購家語疏證一本四書據餘一部直洋一元
初九日讀許氏巾箱集

十五日芾卿以瘡疾上城至潘文璠宮於頽牆蔓草之中拈香
一拜懷舊之思能無黯然夜校史記三卷此事東置高閣將

一年矣今以志事之暇開卷重理不啻復見良友也

十六日校史記

十八日長子生時名之曰貽文

仲秋

初二日午後訪吳立三同門託以長洲採訪事

初八日午後偕賦丈申季同至山前閒步并謁節孝分祠壁間有宋禹庭碑記默記數行以歸

自初九日以後以瘡疾失記者四旬有奇

季秋

廿三日夜鈔愛丈所集說文檢字十四日起至今日
寫畢計二十頁

廿四日至濟善堂寫崇政橋工記夜讀顧幼庚詩清雄豪邁自是近來作手其倚聲數稼軒亦復不俗

廿五日同人約游天平諸山已刻放舟停上沙畢尚書墓前至
無隱庵烹醪小酌復至天平積水阻道迂路由高義園登上
白雲山僧法清為談寒山法螺之勝即鼓興往遊越嶺數重
始至道旁如城墉屹立趙凡夫馳煙驛也水聲潺然從四山
來者千尺雪也惜俱已荒廢僅存垣基而已法螺一雛僧應
門烹泉相餉味極甘冽徘徊半時許復由三遷橋下舟返局
已九下鐘矣芾卿自城來亦搬住樓上

廿六日夜讀穉威文

廿七日夜讀穉威文

廿九日芾卿游鳳巢無濟勝具不能從也

孟冬

初一日從申李借商子五卷照錄一本即於是日始

初七日鳳石夫人游街傾城縱觀僕病未能也

十一日觀張硯孫思補過齋隨筆乃其為閩中學幕時日記敘次之中間以小詩又多詼諧語頗足消人悶懷

十二日觀錢乙生適秦日記於閩中金石尚留心采錄

廿二日讀閩百詩先生年譜平定張穆所編搜羅頗富此次亦有體法

廿三日前所作犧尊考質諸芾卿以兩歧為病急改之

廿八日寫商子畢共五十頁此書為嚴鐵橋校問經堂本余從申季處借得之手鈔一過

廿九日從伯淵借太元經影鈔一部即於是日始

十一月

初七日永宜來三次未晤贈其令祖所著書兩種

周官參證
夏小正訓解

攷異
通論

十二日讀松崖筆記校光福志徐傳編

十三日前寫定商子重校一過

十四日校商子畢改正二十餘字 讀枝山野記

十五日看許野閣志凌壽祺編

廿七日前託希卿從劉泖生處乞得鄧析子一本寒窗無事細
閱一過其篇中用三人成虎衆口鑠金等句皆秦漢人語知
其偽也

廿八日校管子案頭有宋翔鳳管子識誤即錄于眉端

十二月

初一日錄管子識誤畢

初三日錄過庭錄數則

初四日草元盡一卷

初六日校夷亭志

十三日購漢碑數種直洋兩元

孔宙銘有陰

孔君墓碣

禮器碑有側無陰

孔彪碑陰

無正文

孔褒碑

百石卒史碑

熹平殘碑

十七日讀莊子逍遙游草元第二卷始

十八日晤留仙新自臺灣歸聞有從軍日記當假觀也

廿一日

大行皇帝上賓今

皇上

登極聞今日

恩詔

哀詔皆全由醇邸王子介紹

大統改明年為光緒元年

廿二日自裝孔宙碑

廿三日裝孔宙碑畢共廿七頁

每頁四行

一百零五行

末一頁僅首行

廿八日得盛秦川尚書釋天手稿一卷

缺中下兩卷

書賈盲不知何

物以賤價獲之雖殘編斷楮彌可寶貴矣

乙亥正月

初一日自以意占流年得无妄之四爻詞曰可貞无咎

初四日草元二卷畢

共二十四頁

初六日草元三卷始

初七日勺文以榻本瘞鶴銘見贈

十三日連日事穡蒲可謂嬉游無度矣

十六日著履出胥門晤梅先中季芾卿同舟到局

廿一日錢子欣榮高到局新添分纂張潤卿丈自虞山來

廿三日至鄧尉探梅同游者張潤卿柳質卿王芾卿管中季及
余共五人清晨下舟至午刻抵光福鎮訪馮敵翁同入山至
聖恩寺登還元閣憑闌遠眺太湖中諸峯如屏障環列老僧

悅巖出村醪款客復以葉璠五十三參圖相示卷首有張天
覺金孝章題詞但紙墨不古書法亦甚劣當是俗工摹本也
出寺登法華鐘樓門已扃其下有萬曆戊午賀世壽碑記章
美書摩挲一過循故道至費家河舟人已放舟來迓即渡西
崦抵一仁堂已曛暮矣香樹來暢飲是夜宿耕餘軒中風聲
潮聲半夜到枕不能交睫

廿四日訪香樹同喚藍輿入山度峙崦嶺至司徒廟觀清奇古
怪四柏舊時聯句已為山僧覆甃矣登瞻雲閣其地本張氏
祠堂芾卿以為山中第一勝處然樵窗朽腐將近頽廢復登
彈山游還留餘庵即所謂石樓也寬可一畝背山面湖氣象
雄濶李流芳六浮閣實在於此湖之西為蟠螭山遠望蔥蒨
可愛即命駕往游至石壁窩翠屏百仞綠竹千竿壁上題名

大書深刻半皆熟客有玷山靈煮餅共餐洗盞更酌酒半舟人報微雨即踉蹌行十里至費家河避雨申子千家舟人復放棹來迎抵鎮後初擬連夜歸濱繆小雲文立雨中堅邀上岸是夜宿許氏六君子齋

二月

初三日讀抱朴子一卷

初六日訪渭漁見舊鈔一切經音義共廿六卷今通行莊氏本僅二十五卷此為善本也渭漁云段大令注說文引玄應書所列卷數與莊刻多不合當即據此本但前後無序跋不知何人手鈔耳

初七日夜讀臺灣雜記榴仙手筆也其題不雅馴當貽書改之初八日至長元學宋訪鄉賢祠中栗主僅有八人祀典廢弛可

勝歎息

初十日至承天寺採訪寺中舊有慧感夫人祠今不存矣

十三日訪鳳生並晤梅先同至桃花庵採訪有唐解元桃花庵歌楊忠節公遺像王扶題贊皆陷石壁間又有唐寅繪大士像則護以土龕老僧鑑月年八十餘龍鍾不任迎送矣復訪唐解元墓豐碣巍然為嘉慶間知吳縣唐仲冕立

十六日夜讀獨學廬稿石齋詩筆尚不俗而道光府志幾於不知所載豈假手於人耶抑詞章著述兩家固有不相通者耶十七日讀竹堂先生集有跋說文解字一篇痛詆叔重而欲自撰小學新箋樹奇於許君之外可謂蚊蝸負山不自量力矣又為某志墓云習計倪之術善折閱此更成何語乎其他文亦多疵累不逮詩遠甚達原見示石谷子畫冊共十二幅皆

擬古之作申之見示銀錠本閣帖有明崇禎 年沈求與可跋

十八日讀彭芝亭先生集施擁百自盛湖來攜示書畫數冊皆徐山民家舊物從黎川購得者款識附錄於左

凝香主人自繪小影 簡首題淡水汎香蓮五字後附絕句百首皆香奩體主人姓吳字幼倪據爰无咎跋為明季才女又有陳竹士題絕句一首

珊珊夫人鵲湖截月圖 爰棠作宋琴 題有郭頻伽孫

子滿彭甘亭黃霽青諸家題句隨園女弟子席佩蘭亦有詩陸鶴履無量庵記 僧二傳擔字說 以下皆墨跡

翁海琛與山民書

日本熊阪沐秀紫藤花館帖跋 先生為山民又岡部忠保律句

一首梅谷十時順跋一首皆文化十年當中國之嘉慶十四年共紙用雁齒牋共五幅

十九日讀彭芝亭文稿偕同人游天平山泊舟南浜至雲泉品舍坐兼山閣烹鉢盂泉飯于來燕榭壁間有長松二枝不知誰氏所繪又沈志祖錄文正公詩一首蒼勁秀特可稱雙絕堂中懸達摩像明萬厯中樞李宋旭繪飯罷稍憩復上嶺由南澶梓門登支硎山游轉藏殿鄉村愚泯合掌膜拜什伯成羣寺左為文正公祠有康熙五十四年重修碑記裔孫能濬撰興禾書歸途改由金山出澶梓門較舊路稍迂矣同游七人施擁百許靜叔柳質卿吳幹臣管申季王第卿擁百復示書畫數冊

顧南雅梅花立軸

孫補雲詩十軸 皆墨跡

徐山民邗江游州

顧鐵卿銀河篇

二十日擁百歸吳江質丈歸西塘午後將城中采訪事宜編纂
入志所采若干條幾破十日工夫而排纂不過半日此中難
易固自判然

廿一日排次舊正誼山長題名惟魏成憲費庚吉兩人籍貫科
分尚闕俟查

三月

初七日編列朝孝子姓名

初八日擬請校邗師入祀鄉賢稟稿與芾卿共成之

初十日午後偕申季芾卿達原訪朱樂園墓在靈巖山後地係

十四都屬胥臺鄉而米芾表云在至德鄉前府志云在支硎山南峯頗不相符又朱氏家譜列入米芾表與今墓前所立石字句亦舛異種種疑竇無查究處恨不起伯原先生問之十一日在書肆見鈔本黃庭經有錢載阮元鈐印

十六日訪芾卿同至五龍堂羊王廟各處采訪購吳越春秋一部明劉克昌本徐天祐序共八卷附天祐音註前所見黃庭經芾卿已得之矣

二十日見金子春文所藏朱參軍小像參軍為金孝章之父養於朱故從其姓有魏叔子姜如須所撰傳及杜于皇黃陶庵諸家題辭

廿五日秋試期迫告假三月為揣摩之計

廿六日偕芾卿申孝上城

四月

初一日勺丈來述秣陵士習之卑文風之陋豈鍾山秀氣與王氣俱銷耶以余所知如陳子俊之算學龔子威之詞章皆為校邨廬入室弟子而先後殂逝然則此邦人文固天之所廢矣

初十日陳彩生來攜米老研山圖屬題潘瘦羊先有七古一首廿九日午後訪渭漁假襲美文兩本歸廬挑燈讀之頗似孫樵而裁對工整處氣味稍薄亦似詩之限於中晚唐也

五月

初二日得趙師書知志局移城仍在孫園午後訪申季偕之局同人尚未來州元第三卷終

十七日芾卿來同游滄浪亭

六月

初二日見宋刻陶淵明集虞山瞿氏所藏共八十頁每頁□□
行行十六字桃花源記欣然親往作規往不誤

七月

初十日芾卿代購漢碑三張 西狹頌 石門頌 邨閭頌
十九日赴金陵應省試同船五人渭漁芾卿楊洽林希春吳樛
梅五坊壽銘別一舟同行日暮泊張公祠下入祠間眺池荷
半殘亦無竹石之勝啜茗而已

廿四日偕芾卿登岸同游金山寺至法海洞有雛僧為言山中
名跡因得遍覽諸勝留玉閣塑坡公像旁侍佛印朝雲玉帶
藏寺中寺僧款客頗簡不敢請也買周鼎搨本一張寺又有
郭璞游仙詩真跡刻石壁間

廿七日晨抵水西門進城寓白酒坊

廿八日購經解鈎沈左傳舊疏考證述學各一部

八月

初三日同人買舟盪湖登城北鼓樓繞雞鳴山而過游昭忠祠頗有園亭之勝對榜多彭雪琴宮保筆以大將才而好為女郎詞書法亦嫵媚誠不可解東邊一水閣望鍾山蔥蒨可愛歸途微雨

十六日購局書數種又購通志堂釋文一部

十七日偕節卿達珊午刻登舟開行泊水西門游莫愁湖池中殘荷未盡憑窗遠矚清氣襲人薄暮歸舟

十九日午刻抵鎮江泊甘露港同人買舟游焦山停橈三詔坊前先至自然庵為兵子所據畧一流覽即至松寥山房結構

精絕樓中山色檻外江聲拂樹風飄窺巖雲影精清曠朗一
洗熱中積懷雖僧款客意頗周洽烹茗半晌復至水晶庵不
得入如蓬萊三山遠望而已尋徑上山至瓜牛廬故處謁焦
山先生像登大觀臺山中題名頗夥以陸劍南為最古又有
泰山十九字重刻本徐楚金臨峯山刻石瘞鶴銘原本皆陷
壁間阮芸臺中丞曾建書藏所為書藏記亦勒珉於壁搜討
既倦即登舟解維江心水勢險惡繞北岸由瓜洲南下順流
而歸抵原舟已薄暮矣

廿二日午刻抵無錫同人共游惠山品茗第二泉復至胡文昭
祠至德祠皆有亭臺之勝池中殘荷猶未盡也

廿三日暮至閭門喚小舟載行李進城去家四十日故我依然
轉瞬間緬繇情懷不堪設想矣

廿六日渭漁生日同人集藝圃公祝園中丹桂盛開而蘭香一
莖尚亭然水面亦奇境也

九月

初七日到局移榻至小樓與芾卿同舍

十四日南園揭曉果落孫山同志亦盡遭罷黜

十五日作七律一首題丹陽魏氏殉難事畧

十六日草元四卷終

十七日草元五卷始

廿五日党君來購碑帖數種魯峻今鄭固 范武榮 鄭國殘碑 孔子

見老子書像 萬山三明請雨銘

廿七日購顏魯公集一部微有缺頁有元留元剛明楊一清都
穆序云無錫安氏所刊今此本每卷首題三十世孫崇禎校

刊當是重刻本也又元秘書監志殘鈔本一冊紙色黝黑不知何代物亦無藏書印可考

十月

初八日作五古一首題撫絃懷舊圖

十七日完吳江寺觀艸稿間有采訪未實者概從刪削然校乾隆志則有增無減矣

十八日移行李歸家從此不住局矣校常昭采訪稿雖所闕甚多然無人采訪不能不將就過去也

十九日完震澤寺觀草稿購經義雜記一部又石笥山房集一部嘉慶戊午鐫僅有詩四卷文六卷叢從培之處所借乃包世臣序有補遺續補遺此本皆無之

二十日夜讀莊子竟駢拇一篇

廿二日完常昭兩縣寺觀草稿

廿三日閱昭忠錄排次陣亡紳民姓氏將附錄昭忠祠後從上

海縣志例志也

其無守土之責而開戶殉難者則別附于忠義孝悌祠

廿四日趙師命作陳培之戶部壽聯有句云通經自古屬司農頗能巧合惜無強對耳

廿五日夜讀桃花扇至乾兒義子從新用絕不了魏家種不禁拍案叫快東亭妙人真能助我張目者也

廿八日夜讀莊子盡肱筮在宥兩篇

廿九日夜蒯禮卿光典來其人年未弱冠而篤志古學亦一時之雋也今從金陵來將至虞山觀瞿氏藏書

十一月

初一日偕申季節卿陪禮卿游虞山純丈為鄉導薄暮聞船泊

齊女門

初二日平明開船抵暮泊常熟小東門外純文先登岸

初三日進城訪純文同至虞溪書院適逢課期邑人士皆集晤殷君厚培龐君伯申叔廉又晤曾君似常縣志纂脩也志局即附其中純文邀至酒家小酌席散至叔廉齋以所藏鐵圍山叢談見示雁里艸堂鈔本絳雲樓舊藏雁里艸堂為吾郡沈與文故居在杉瀆橋又有春秋提綱元陳則通撰至正□亥刊本每卷有淞上先生印不知誰氏物

初四日開舟至菰里村

離城二里

十

訪恬裕樓主人先觀其目錄宋

元明刊本舊鈔本不下八百種並有四庫未收之書其尤奇者有孔氏祖庭廣記蒙古刊本尚書注疏金刊本又有景祐本漢書南宋本管子皆士禮居舊物江南北藏書家當首屈

一指矣其中殘本約有百餘種如禮記止六卷通鑑僅三卷四部皆全並宋本余謂紱卿能擇其精者彙而刻之亦不朽盛業也乙部書輿地類獨該如重脩琴川志玉峯新志續志楊德崑山郡志錢辛楣所宅為奇作者皆有舊鈔本亦當彙刊為姑蘇志林

初五日復登岸觀書漢書有黃芩園跋語一則管子刻劃瘦勁乃是宋槧之最精者亦有芑園跋又觀顧淵蘋手校鹽鐵論孫可之文集惠松崖校荀子亦有錢圓山叢談乃汗筠齋藏本與叔廉所藏堪稱兩美恐海內未必有第三本矣惜時日迫促所觀者僅一鱗片爪未能盡罄龍宮寶藏也夜開舡行里許風逆不得上即泊

初六日泊舟大東門偕純文登岸茗飲叔廉不期來會復至酒

家小酌同出鎮江門繞虞山而行仲雍言子墓皆在山半畏
寒未謁至趙氏山莊其主人次侯適進城未晤竹木林屋結
構精絕壁間挂趙撫叔書四幅摹北朝體余求之久矣今乃
得見之藏書遠遜瞿氏而間有精者所見有校宋本圖經續
記亦志林之一種也又有元槧本方輿勝覽有簡莊朱記乃
陳仲魚家物也禮卿云其家亦藏此書乃邵二雲學士物現
弄金陵明年秋試當更縱觀之薄暮進城叔廉盛席招飲夜
歸舟移泊南門

初七日晴遲明開行午後抵齊門先返舍

初八日夜讀莊子天地篇

初十日同人宴集滄浪亭薄暮方散禮卿偕趙師圍棋受五子
叔壬受九子夜比次壇廟清稿

十一日完吳縣壇廟清藁致趙師書送去舊志三本

王志一
雅志一

盧志備考一本

十二日得鄉試落卷第五房未薦評云筆尚明暢而首藝僅看
至起比豈非謬品

十五日夜校繕定寺觀清稿盡江震兩縣昨夜盡元和一縣
十七日完長洲壇廟清稿

十八日東山鈕君送來匪石子日記數冊求編次

十九日編次壇廟

二十日完元和壇廟清稿

廿一日完崑新壇廟清稿

廿二日完江震壇廟清稿

廿四日冬至前一夜循例家祭

廿六日完學校清稿惟昭忠祠姓名尚闕待補

廿七日編撫藩臬糧道歷任題名

廿八日完公署清稿

廿九日購家語一部

十二月

初一日購惜抱軒全集一部墨子刊誤一本價洋一元

初二日完倉廩清稿

初三日完驛道清稿

初四日完善堂義莊清稿

初六日完釋道清稿

初八日偕芾卿訪陶卿觀梅丈藏書約數十種最精者經典釋

文集韻兩種皆舊校本

初九日校府志清稿

初十日校府志清稿

十一日讀毛詩注疏完一部方許更讀別種勿似曩日撩頭撮尾也

十二日讀詩疏

十三日讀詩疏

二十日完常昭壇廟清稿

廿六日得希卿書即復附去說文一部希卿贈書兩種邵位西

吳頊儒遺書 虞氏
易海恩圖說初集

丙子正月

元旦瑞雪嚴寒

初九日作七古一首絕詩兩首題畫

十一日艸元六卷始

十三日夜周師壽卿來同至平江路看燈謎或謂燈謎何所始
余曰黃絹幼婦外孫蘺曰即燈謎之昉也

十四日夜觀鉏非石日記畧為排比將託芾卿寄都中付刊
十五日夜緝非石日記

十六日夜緝非石日記所云宋本漢書惠松屋校荀子今藏恬
裕樓瞿氏余去臘游虞山見之

讀毛詩正義引說文云潦雨水也按說文水部潦雨水大兒
沖遠刪兩字殊失許義又按周禮茨舍艸止之也甘棠茲引
節茨字亦非

十七日訪芾卿芾卿近治三禮發宏願欲為周禮正義以其精
力當可踐言也胡孟魯來云陸績民先生元翰將請入祀鄉

賢所著宗輝錄說文小篆尚未刊

十八日書估侯念椿携書畫數冊來有金冬心對毛大可行書立軸雁阿山樵畫幀鄙人所最嗜者錢十蘭小篆六條結構精嚴筆如鐵墨如漆真斯久後身也又有鄧完白篆對新羅山人畫未及觀訪王簡三寓張氏三影園中小有花木簡三云清池一泓舊為官河兩旁駁岸宛然可觀開鑿時得古甃甚夥惟無款識多破毀耳園牆外當中文定公祠前有落蓬橋直池西數十步亦成平田矣夜緝非石日記

十九日夜緝非石日記其稱王蘭泉為述庵大人可見前輩之樸實

讀毛詩羔羊疑有故下雜記云句初不解其義既知雜記下倒文也

二十日夜緝非石日記

廿一日夜緝非石日記所集對有佳者錄于左

何可一日無竹

潛神默化與俗殊好祝嘏

恨不十年讀書

博學甄微靡道不該楊震

通經綜緯兼究大雅李珣

詩書是敦禮義是悅

耽藝術恬忽時榮侯成

圭璋其質芳麗其華

廿二日夜緝匪石遺稿說文段注訂二條未刻補錄於後

隲注云釋丘曰屋內為隲外為鞠按釋丘作外為隈說文自

部隲隈二篆相次蓋本釋丘此因鄭箋改作鞠然鄭箋不引

爾雅又與毛傳異不應據改

斜抒也注云抒各本从未按此蓋本余說也齊下亦然余云

廣韻引作抒也當不誤玉篇亦作抒也當注明引證

廿三日張純卿先生來云瞿氏南宋本管子將釀金重刊亦快事

讀殷其雷疏引雲漢傳曰隆隆而雷非兩雷也按雲漢傳第云隆隆而雷箋乃云非兩雷也孔沖遠誤

小星証即喪服所謂貴臣賤妾也按儀禮喪服祇有貴臣貴妾無賤妾文或刊本之誤又引何休云夫人無子立右媵之子右媵無子立左媵之子今公羊傳解詁無兩之子字宋紹熙本同按如云夫人無子立右媵右媵無子立左媵則疑於廢后立后不如孔所引為長唐時本猶未誤也以詩疏推之則注左媵下嫡姪娣右媵姪娣左媵姪娣並宜有之子字証又引公羊曰心為大辰按公羊昭十七年傳大火為大辰何休注大火為心沖遠以注改經未是

廿四日樛園讀書苦無下手處余勸之治因學紀聞此錢鐫石先生教人讀書法也夜作郡志小序三首

艸元至失次三云卒而從而卹而疎而案此從字當讀如縱橫之縱卒從卹疎皆雙聲

廿五日訪純文見惠新刊宋本陶集一部末有贛川曾集跋刻於紹熙壬子續完小序二首余所纂公署學校壇廟寺觀釋道共五門十二冊一律告成僅據為一家言則亦裒然成集矣午後校理一過

廿七日

讀毛詩註引二劉說云五等諸侯夫人初嫁皆乘厭翟案隋書儒林傳劉焯及炫同授詩於劉軌思則二劉詩義相同者皆本軌思之說也軌思著述不見於志傳據二劉所說可以

畧得其概

廿八日

讀毛詩音義王姬之車音居釋名云今音尺奢反韋昭曰古皆音尺奢反從漢以來始有居音按易睽孤見豕負塗載鬼一車先張之弧後脫之弧車與孤塗弧三字韵似亦讀如居音是漢以前即有居音也太元將首次七跌船跋車其害不遐車與遐韵亦為尺奢反蓋義得兩通

草元至將次六日失烈烈宋陸舊注云五為日中故六為日失按失乃跌之省周官禮鄭司農注景夕謂日跌是也跌又作跌左昭五年傳故有十時杜預注日跌為臺釋文作日跌三十日純丈來偕出茗飲並晤申季芾卿冒雨造趙師齋申之亦來會議影梨筦子約須七百合方能集事

單元至勤首云微陽卽冥齊力於內按卽當作抵冥重冥也
言陽氣抵冥從重冥而上是時陰極盛一陽初生之象也

二月

初一日南山母舅來云橫山鄉民因獵于野得一洞穴俯臨絕
澗寬四五丈深如屋兩旁皆甃以巨磚中有燭臺香爐諸物
皆為村人取去當是墓中隧道也

讀邨廊衛譜正義云王肅康誥注康國名在千里之畿內既
滅管蔡更封為衛侯鄭無明說或者康謚也按史記衛世家
康叔卒子康伯立謚法無父子同號當是康伯之世去其舊
封年代未遠故猶沿舊稱耳

杜又云許穆夫人之詩得在衛國者以夫人身為衛女辭為
衛發按三百篇許無風無所附麗故列于衛之末杜未是

姪又云宋襄之母身已歸宋非復宋婦上宋字當作衛傳寫之誤

初三日謁南山母舅云橫山古穴碑側皆有太元十九年八月題識按吳大帝晉孝武皆有太元紀年吳祇二年明年即改元神鳳孝武二十一年然則是穴為東晉古墓無可疑矣草元六卷畢

初四日

讀練衣姪引碩人云國人憂之而作是詩此指小序文按碩人序云閔而憂之無下四字疏誤

初五日訪石麟見橫山古碑長約一尺四五寸寬約四寸右側太元九年八月一日作左側有相需二字下側或題錢十或題吳年作當是造甄人姓氏前云十九年誤也卅元七卷始

初六日

緣衣疏引內司服素紗周禮本作沙按沙古字紗今字

任大椿釋繒曰絹一曰紗大元經載蟬紗紗縣於九州註紗
細微貌紗為絹之細者命名之義或取紗紗余案太元舊音
紗亡了切乃讀如眇與素沙之沙形聲俱別古音蕭宵肴豪
幽同部顧亭林音論紗字正與州韻若讀為沙聲則不韻矣
又按注細微之德臨有九州與漢文帝詔朕以微眇之身託
於士民君王之上其詞正合紗即眇無疑

又按說文玉篇無紗字至廣韻集韻始收之陸德明釋文引
箋亦作紗並讀為沙音然則紗有沙音其在隋唐之世乎

初七日

燕燕疏引周禮注睦親於九族姻親於外親任信於友道恤

振於憂貧按周禮注原文末句變文作恤振憂貧者是也延
增一於字以合上三句遂為不辭古書不可輕改如此
初九日偕弟卿買舟赴橫塘迤邐行三里入山探古墓已為當
事封閉興盡而返夜讀退之詩

初十日

玄瑩云夫作者貴其有循而體自然舊注孔子曰述而不作
有所因循而體正余按詩日月報我不述傳述循明循述兩
字互相訓也

十二日

詩從孫子仲箋云仲字也毛刻校勘記云脫子字余按下正
義引箋子仲字仲長幼之稱亦有子字是可為脫字之證
擊鼓疏又云以伐鄭之謀州吁之由州吁暴虐民不得用按

上州吁下當脫主字

玄瑩陰陽所以抽嘖也從橫所以瑩理也明晦所以昭事也嘖情也抽句理也瑩句事也昭句君子之道也余按情字當是衍文以註有嘖情也故俗人誤加於此耳

十三日午後訪佩鶴云其尊人寅生先生所得古甄造甄姓氏又有俞大一云作者朱稚潘玉荀得一甄左側有吉三平三字皆橫山物也自裴繹山碑

十四日裴繹山碑竟共廿八葉每葉四行行兩字後附鄭文寶跋五葉葉八行行五字艸元七卷畢八卷始

詩凱風自南吹彼棘心傳棘難養者段玉裁云棘下當有心字棘心棘之初生者故難長養余按箋云棘猶七子箋者箋傳無心字正義釋傳亦云棘難長養者言母性寬仁似凱風

已難長養似棘都不言心此可見傳文不當改也

雄雉疏云言雄雉飛之時下上其音聲以怡悅雌雉以興宣公小大其言語心怡悅婦人按心乃以之誤

十五日夜讀漢書儒林傳盡一卷

十六日夜讀漢書藝文志

詩有苦葉疏此皆陰陽並言校勘記云閩本明監本毛本並誤并按毛本亦作並不誤

十七日寄施擁百書詢江震藝術籍貫

詩谷風比予于毒箋視我如毒螫釋文螫矢石反何呼洛反注疏本作惡烏路反余按上箋反憎惡我釋文即云惡烏路反下皆同則此處不應重出注疏本末是隋經籍志注毛詩者宋有何偃梁有何肅何宇疑指兩家廣韻螫一作蠶入十

八藥與呼洛反音近蓋螫本有兩音也

谷風薄送我畿傳畿門內疏云皆期限之義楚茨傳曰畿期也余按楚茨章如幾如式及傳幾也並不作畿

十八日得馮申之書送來釋祖觀通隱堂詩序重脩閭門公牒祖觀字覺阿俗姓張名京度父于三人同入釋雷甘杞先生嘗為余言覺阿未出家時為學官弟子從江鐵卿先生游勸先生披剃同至常州天甯寺受具既改僧服即從彼法覺阿先入道輩行居首其父其師皆兄事之覺阿初與先生約同住堯峰至是先生申前說覺阿遽曰吾輩為佛門弟子當勤修苦行豈可自安牖下今往參金山金山寺為江南大刹戒律嚴凡來謁者必任肩柴挑水之役江幡然七十自念不能即獨歸而家有少妾未便言歸寄居城南流水禪院窮苦數

載復受某氏校經之聘最後其嗣君某迎養於家以其僧也
錮之一室不入於相亦不出戶卒鬱鬱以死時覺阿已還吳
中築室白馬碕顏曰通隱庵種梅結屋歌詠自得亦絕不問
先生矣甘翁為江氏入室弟子此事深致不滿故詳言之如
此

十九日

詩旄丘流離之子傳流離鳥也注疏本釋文引爾雅云鳥少
美而長醜為鷦鷯正義引張奐曰鷦鷯食母釋文單行本及
爾雅鷽並作鷽按作鷽者是鷽離聲之轉玉篇鷽匹沼切鳥
變與鷽字音義俱別

二十日

余欲集漢魏以來儒先音書都為一部始於賈服馬鄭斷於

唐釋文敘錄云舊音皆錄經文全句今則摘字為音余從其說凡陸氏以前所著經音皆標經文全句古書面目不敢稍易

敘錄尚書音四家孔安國鄭玄李軌徐邈下云漢人不作音後人所託然東京作音人甚衆且其序亦云漢魏遺文迄今可見則漢之末葉亦有音家陸之所指當在孔氏一人茲不敢錄

余仲林經解鈎沈敘錄有范甯穀梁音李充論語音云見釋文一然檢釋文皆無之其書不足恃如此

廿四日

蘭兮疏引魯語云伶蕭詠歌及鹿鳴之三按蕭誤當作簫序仕於伶官釋文云冷音零从水亦作伶校勘記漢書志冷

綸人物表泠淪又呂覽皆从水今考呂氏春秋古樂篇黃帝令伶倫亦从人不與漢書同

廿五日

詩簡兮傳夫祭有畀輝胞翟閭寺者疏云引祭統文余考祭統無寺字經文偏釋輝胞翟閭而於寺字獨無釋則本無寺字可見詩疏引周官寺人以釋傳文當是隨文解之非謂禮有寺字也

廿六日查翼甫來云欲仿尚書地理今釋為漢書地理志今釋其人為學頗沈靜

廿八日致翼甫書得覆余購定左通補釋一部校本字鑑音辨佩觿各一部共直洋八元

太玄數為六為實注通海隅也余按依范氏說實即漬字論

語溝瀆史記作句寔周禮大司樂注四鎮四寶詩簡兮疏引
亦作瀆兩字本通也四瀆如江河皆入于海

廿九日

靜女疏言若有人能遇我貞靜之女按遇乃遺之誤

三十日偕希卿到局携歸職官稿一宗此門原為春波文所纂
蒙丈續之而未成今以畀余三易主矣復同至述古堂見明
刻巾箱本五經鈔補一本有怡卿王寶朱記乃是藩府物也
紙墨精絕索價三十元

三月

初一日撰定音書目錄共百有二家其中如淮南王食譜音七
林音半是有目無書李軌徐邈一人音至十餘種者專門之
學也

初四日純卿先生來午後同訪丁泳之見元板玉篇乃是坊本不甚精又有影鈔元本切韻指掌圖皆瞿氏物也

初六日讀顧亭林音論一卷因思太元子雲所著去古未遠尋其用韻可得古音當昉易音詩本音例為太元音亦有用之書也太元奇字往往與經傳相合如妃為嬰漬為霽之類

初八日艸元八卷終九卷始

初九日造張氏祝嘏園中有銅佛三尊明時所鑄舊藏寶華寺因寺僧將謀銷毀移置放此焚香頂禮而退

初十日購六經補疏一部陶子師南屋集一部燈下略讀一過皆其宰昌化時作於浮糧苛稅言之尤淋漓痛切此海南之掌故也

十二日詩玉之瑱也傳瑱塞耳疏引既夕記云瑱塞耳充耳是

也或曰充耳淇澳云充耳琇瑩是也按上充耳兩字衍

十五日艸元九卷畢

十八日載馳載驅傳載辭箋載之言則也疏云鄭惟載之言則為異余按則亦辭鄭申毛不異

廿三日購經訓堂叢書一部闕關中金石記四卷

又缺明堂大造錄補說兩

種則以余舊藏另他合之共價十元艸元十卷畢又圖一葉夜閣瞿氏書目擇其尤精者錄于後以俟陸續借觀焉

周易十卷宋孝宗時刻本 文文齋公藏書

周易注疏十三卷 紹興初監本 舊藏陳仲魚家

周易兼義九卷略例一卷音義一卷宋本 明正德情版

發本點校重言重意互註尚書十三卷宋本

附釋音尚書注疏二十卷宋本

尚書注疏二十卷金刊本 李滄葦藏書

毛詩二十卷宋孝宗時刻本

纂圖互註周禮十二卷宋本

禮記二十卷南宋附釋文本

纂圖集註文公家禮十卷宋刊本 查慎行藏書

春秋經傳集解三十卷宋本淳熙三年閩山阮仲猷種德堂

附釋音春秋左傳注疏六十卷南宋刊本

又三十卷宋刊本 明脩版

公羊注疏二十八卷宋景德刊本

又二十八卷閩本貝壩以宋本校

監本附音春秋穀梁傳注疏二十卷宋刊本

古文春秋左傳十二卷王應麟輯 舊鈔本

大學章句一卷附大學或問二卷中庸章句一卷附中庸
或問二卷論語集註十卷孟子集註十四卷宋本

爾雅三卷宋本

又三卷元平水曹氏刊本

陸佃爾雅新義二十卷影宋本

羣經音辨七卷舊鈔本葉石君藏書

汗簡三卷略敘一卷舊鈔本馮己蒼校

新集古文四聲韻宋本

復古編馮己蒼舊鈔本

曹本續復古編四卷舊鈔本

班馬字類補遺五硯樓鈔本

字通舊鈔本錢遵王藏

元包希魯說文解字補義元刊本

切韻指掌圖影宋

宋歐陽德隆押韻釋疑五卷宋本 傳足樓舊藏

史記集解一百三十卷北宋刊本 傳是樓舊藏

漢書一百二十卷宋景祐監本 舊藏士禮居

又一百二十卷南宋本 元大德至大延祐元統補版

太平路新刊漢書一百卷元刊本

後漢書一百三十卷宋本 舊藏受日精廬

又元刊本

晉書一百三十卷音義三卷宋刊本

五代史記七十五卷宋刊本

漢紀三十卷影宋 舊藏崑山葉氏

資治通鑑二百九十四卷宋刊本

史記通鑑釋文三十卷影宋鈔本

續資治通鑑長編一百卷影鈔宋本 舊藏吳允祿家

綱目五十九卷宋刊

中興兩朝編年綱目十八卷影鈔宋本 諸家未著錄唯

奉天錄四卷舊鈔本

五國故事二卷同

趙興袞年已泣新錄一卷同

孔氏祖庭廣記十二卷蒙古刊本

吳越春秋十卷願淵著校宋本 又元刊一部

陳元龍歲時廣記舊鈔本

三輔黃圖願錄毛校宋本

元和郡縣圖志四十二卷舊鈔本

吳郡圖經續記校宋本

吳郡志五十卷宋刊本

重脩琴川志十五卷影鈔元本

凌邊玉峯志三卷續志一卷舊鈔本

楊諱崑山郡志舊鈔殘本

吳地記一卷明刊本
此本不甚精錄之以備吾郡掌故

中吳紀聞六卷明刊本

陸友仁吳中舊事一卷舊鈔本

平江紀事一卷同

麟臺故事殘本二卷舊鈔本

通典二百卷北宋本

史通二十卷校宋本

吳郡錢佃荀子考異一卷

鹽鐵論鈔本顧校

新序校宋本

說苑校宋本

法言校宋本兩部

王通中說宋刊本

大學衍義四十三卷宋刊本

管子二十四卷宋本舊藏士禮居

又顧校

又顧錄陸敕先校

鄧析子二卷宋本

商子五卷舊鈔本 馮知十校本

韓非子 顧錄馮校並自校本

齊民要術十卷陳子準校本

本草埤衍義三十二卷金刊本

太元集註六卷解四卷麻一卷宋本

易林 晁志憲子曇谷校本

王洙地理新書影金本

淮南子 顧校本 又江艮庭校本

春明退朝錄 胡心耘校本

古今注 盧杞經校本

山海經 校本

老子道德經四卷河上公注宋本

冲虚至德真經八卷宋本

徐注通元真經即文十二卷宋本

元倉子宋本

楚詞集注同

離騷一卷錢果之集傳同

蔡中郎集十卷黃苑圖顧淵翁校

支道林集明本

皇甫持正集校本

李賀歌詩編四卷金本

白氏文集七十一卷宋本

宋慶餘詩集一卷宋本

司馬文正公集宋本

趙清獻集

宋本

王臨川集一百卷

宋本

文選六十卷

宋本

崑山雜咏三十卷

宋刊本

吳都文粹

舊鈔本

草堂雅集十三卷

鈔本

玉山紀游

州本

玉山名勝集二卷

舊鈔本

兩部

玉山名勝外集二卷

舊鈔本

玉山唱和集附錄一卷

鈔本

文心雕龍十卷

馮校宋本

孫可之文集十卷

明震澤王氏刻本

顧以宋本校

陶淵明集十卷孫湛錄毛校本

廿四日弔卿來云潘伯寅侍郎新從唐鶴庵司馬處購宋本于書數部其介紹也內白虎通為北宋本又有風俗通義老子荀子並南宋本呂氏春秋元本索價一百四十元尚未定局鐸梅云伯翁又新得元刻通鑑一部沈韵初遺書也沈君藏弄極富尤嗜漢唐石刻如漢石經殘字宋搨華山碑海內所說為奇物者皆有之英年早逝良可痛惜身後遺物並藏清卿太史家艸太元釋文

爾雅釋艸葭蘆注葦也莢蘆注似葦而小疏云葭一名蘆莢一名蘆李巡曰分別葦類之異名余按爾雅此節葦醜刀句葭華句葦蘆句葭蘆句莢蘆句其萌蘆句皆葦類則李巡之注統釋醜刀以下不指葭莢也推邢之誤其所作疏皆襲毛

詩正義以詩碩人傳葭蘆茨龍正義亦引李巡注遂取以釋此四字而不知其誤也

廿五日閱瞿氏書目為訂正譌舛三條

太元釋文不知誰氏注云此本自侯芭虞翻宋衷陸績互相增損傳行於世非後人之所作也然其所釋皆用切音且有注平聲去聲者必非漢人所作疑是唐人之書也

廿六日午後訪芾卿同訪劉泖生司馬見湖北局刻子書百種雖泥沙雜糅而包羅宏富可充饋貧糧且其所據皆足本差勝王氏漢魏叢書也

廿七日叶元音有引玉篇及唐韻者其為唐以後作信然又引郭云不知誰氏說也或疑郭璞然璞未注太玄或是山海經爾雅音義若無確證耳

廿八日胡履卿來携去呂氏春秋一部有正味齋駢文一部託其代售也卅元畢共元十卷釋文一卷圖一葉說立一卷

四月

初二日釋鳥鴈鴈鴈毛詩疏引孫炎注一名鳴鴈月令云鳴鴈拂其羽爾雅疏引作一名鴈鴈余按詩疏是也以其一名鳴鴈故引月令鳴鴈句為證若作鴈鴈則所引贅矣鴈鴈兩字即經文孫叔然注多有以經文顛到互訓者如須薊從注須一名薊從鰓鮒注鰓一名鮒皆是然當上下並舉不當單出鴈鴈也

詩至於頓丘疏引釋丘如覆敦者敦丘郭璞云敦孟也音頓校勘記按音頓二字當有行細字正義所作音例如此又一解云音頓二字亦景純語今俗本爾雅刪之謹按兩說並非

敦孟爾雅注也音頓音義也兩書一人所作故連引其文而繫之郭璞爾雅注固無脫文正義亦無音字例也阮說俱矣
初三日晤芾云禮記有皇侃音見孔氏正義前時著錄遺之
初六日勺山丈來出示愚園詩一首園在金陵鳳皇臺址胡煦齋所築也

初八日作古詩一首題陶子晉沁村圖七絕兩首題靜濡文太湖避地圖夜讀青蓮集其恨賦一篇以豪氣運妍辭非文通所能擅美

初九日

夜檢玉篇有以離婁為孟子門人者按離婁一作離朱黃帝時人見莊列釋文及孟子趙岐注彥先說頗紕然必有所本也

初十日夜讀青蓮集太白一生服膺惟謝太傅其結想之境則在浙東南登單父半月臺詩云水色淥且明令人思鏡湖終當過江去愛此暫踟躕其懷抱可想矣又東魯門泛舟絕句有云輕舟泛月尋溪轉疑是山陰雪後來又云何啻風流到剡溪皆情見乎詞言之再三涇川陵巖寺詩且從康樂尋山水何必東游入會稽又是積思之極激為反語耳

十一日致芾卿書訂遊海虞欣文書取歸崑山采訪稿一本漢書地理志初雒邑與宗周通封畿東西長而南北短短長相覆為千里師古曰宗周鎬京也方八百里八八六十四為方百里者六十四也雒邑成周也方六百里六六三十六為方百里者三十六二都得百里者方千里也余按詩王城譜正義引此以為臣瓚說然則師古此注皆襲瓚說而沒其名

耳沈小宛著兩漢書補注謂小顏多襲其季父游秦之說據此觀之其所盜者不獨游秦也又按小宛先生為吾鄉先哲注漢書則痛詆顏氏注左傳則舍杜預而取賈服識見卓然雖議論過激終異雷同附和之言平生著述詩文集續集已刻尚有左傳補注兩漢書補注三國志補注藏書家並有鈔本又有范石湖詩注此稿在鶴巢先生處今携入都中矣其後人仍居濱川業畫畧寓校邨廬時曾見之

國語幽王欲殺太子成伯服必求之申韋昭解云太子將奔申詩王城譜正義將引作時按作時者是即云必求之申太子必已在申矣不宜言將為未然之辭

詩曷其有佑毛傳佑會也按佑會雙聲會讀如古外切說文裕字段懋堂以為禮之或體

十二日

詩黍離悠悠蒼天傳尊而君之則稱皇天元氣廣大則稱昊天仁覆閭下則稱昊天自上降鑒則稱上天據遠視之蒼蒼然則稱蒼天正義曰當有成文不知出何書按正義又引許慎異義云古尚書說與毛同則毛之所據古文家說也

詩有兔爰爰雉離於羅傳政有緩急箋緩者有所聽縱急者有所躁威釋文躁本亦作慄正義云定本作操義並得通按公羊傳操之為已威矣箋意本此上云縱與操對文是操正字躁借字慄誤字後人又有用為操切者皆聲之轉

十四日華卿申季先後來同登舟解維出齊女門薄暮抵常熟進城訪純文

十五日純文晨來移舟至罍里村寓瞿氏恬裕山莊晤敬之潘

之兩文潘文以天發神識文兩本見示一顧淵蘋藏一山陰楊子靖物後有張皋文縮臨本附跋語兩則用筆娟秀得晉人神味又有泉陳宰安均釋文夜聞趙清常脈望館書目中有老爺看過空同集老老爺贈帖希卿以為指其祖父殆然又附載玩物有新韓皇帝柏一根鴉片一塊如此之類均極可哂又見文淵閣書目古今地志類攬入劉京叔歸潛志亦復不倫

十六日校恬裕樓書目余分得史部見蒙古本祖庭廣記舊藏何夢華家夢華曲阜孔氏之婿此其奩中物黃莢圓跋以為驚人秘笈又有宋本東家雜記首列琴歌壇三重樹孔子歌野草閒花香復愁云云必是妄人偽作錢曾玉亦云然又見晏子春秋兩本一影鈔元本即吳刻藍本一明綿眇閣刻本

今以兩本對讐之非惟行款悉合即點畫神理絲毫無爽乃知所謂元本實即此書非別有他刻也陽湖孫氏序謂贈山尊學士以為壽禮此殆自覺其誤乃以愚人學士墮其術中耳今所行吳刻晏子改正訛奪甚多而竄易處亦復不少並係千翁手筆頗有跋云此本擬不示人以樸然流傳於外亦足見□□之心苦無不可也乙亥閏月廿五日夜聞焦弦經籍志得音書四條然元書寫手甚劣當有舛誤未可據為定本也

十七日校書目盡十餘部有宋秘書監開書目內晏子三卷易略例邢璣注一卷今其書具存豈當時轉佚耶夜錄新序校宋本舊校出義門先生其弟子蔣果傳錄又以傳是樓宋本校過余臨一通並補闕葉兩紙余所藏新序得之金陵市初

不甚貴重今以瞿氏本校之行款皆合而余本殊勝瞿氏本
脫譌數處余本獨不誤與何校宋本合瞿本出明嘉靖間余
所蓄又在其前矣

十七日自後窮日校書目日約一二十種丹墨並勘如掃落葉
亦快事也薄暮閒步村落間居民五百家四面臨水耕漁為
業頗饒純朴之趣惟半漸夷教斯為可恨豈猶有漁山遺風
耶

二十日夜校新序畢續以周易以宋本校汲古本宋刻甚精舊
為竺塢文氏藏書有董香光文文肅跋囑申季影寫

廿二日見宋刻吳郡志潘文屬統校一過迫於時未能也又見
影元本琴川志清朗可愛潘文云其家舊藏志書不下數百
種通志府志皆全縣志則稍有未備今盡付劫灰矣可勝浩

歎

廿四日校周易畢第七第八卷屬中季代校通部改正譌奪甚多並補脫注三條宋本可貴如是

廿五日校書目畢傳錄吳越春秋校本原本顧澗蘋所校宋本之外尚有藝文類聚初學記御覽諸書以朱墨黃別之

廿六日偕純文潘文到縣寓黃板橋是日城中賽會傾城縱觀潘文約同往非所好也夜至酒家小飲當壚者亦瞿氏忠宣之嫡係純文云相傳忠宣殉難時遺命子孫毋得應有司試至今埋名屠沽尚是忠宣家訓也海虞有一孝廉設酒肆兩節婦開麪店余謂孝廉酒節婦麪絕好一對詩題也

廿七日清晨訪純文同至虞山麓臨池茗飲並見屈秀生同至東門席氏看賽會填街溢巷舉國若狂午後歸寓夜復出燈

火耀目較日間為勝

廿八日純丈來同訪屈秀生游虞山出鎮江門喚筍輿而行其
製絕異夾以兩竹離地僅尺許復繫兩繩承之以板而著於
肩如拉縴然行走如飛土人呼為扒山虎先至破山興福寺
峯巒回抱中通一澗跨以石梁極幽邃之勝壁間有米襄陽
書常建詩乾隆間邑人言如酒為襄陽太守得其墨跡携歸
勒石初日照高林照作明曲徑通幽處曲作竹與今本為異
門前有陀羅經幢猶唐時物皮日休龍堂記已不存矣略坐
煮茗即至簾珠洞拾級而上山勢稍峻洞在山半寬廣十餘
丈中空上穿泉乘高而下勢若建瓴愚民以為神飲之可療
病求者不絕至有遠千里來者土人結松棚賣茶泉甚甘冽
惜茶色不佳小啜而已最後至清涼寺登松演堂望海光景

萬狀塵襟豁然寺門有聯云長嘯一聲山鳴谷應回頭四顧
海濶天空真絕景也寺僧藥龕藏弄甚富初見未便索觀壁
間書畫皆其下乘有明人合景扇頭乃知此習不起自近時
山中產苦竹松葦客至獻饌精潔可餐飯後循舊路回寓即
發行李登舟是夜宿舟中夜雨達旦頗難交睫

廿九日順風揚帆午刻即抵舍訪怡卿其館中僕某為妖術所
中竟遭史遷之厄先是民間訛言有翦髮辯者亦屢有明驗
疑是白蓮教之流時事如此可為杞憂

是行也携歸宋刻毛詩傳箋一部附釋文正義一部穀梁疏
一部又舊志五六種主人情重可謂至殷極渥矣尚有邊寶
玉峰志楊謫崑山郡志即屬潘文弼人代鈔芾卿託鈔續復
古編一部

五月

初二日校毛詩註疏以宋十行本校汲古本宋本脩版尚少頗有佳處為阮氏校勘所未及致芾卿書送去詩傳箋一部稽瑞一本

初二日鈔石湖志畧始託仰雲補鈔吳越春秋

初四日購琴川三志一部黃廷鑑琴六所撰補宋鮑康元盧鎮明張洪三志之闕故曰三志補記其序例云盧志久佚然余在畧里瞿氏所見重修琴川志影鈔元本即盧志也黃君特未見耳

十一日訪芾卿携歸元本晏子一部與吳刻行款悉合乃知孫氏影鈔之本實出元刻非綿眇閣本也余前在瞿氏謂孫鈔即出綿眇閣別無元本誤矣又見宋刻老子文中子並小字

本老子纂圖互註其如登春臺尚作如春登臺不誤莫子德
跋謂校世德堂本訂誤八十餘字此可寶矣又有白虎通義
盧抱經跋謂北宋刻細審之元本無疑又有風俗通義亦元
刻盧抱經羣書拾補即據之各書皆拜經樓故物今唐鶴庵
司馬以售諸潘氏尚有元刻樂書一部索價一百元夜篝燈
校晏子元刻多古字而吳氏所刊一律改從今體此其一短
然元刻誤處今本改正者幾有十之八九其廓清之功亦不
可泯矣

十二日校晏子畢

十三日夜仍校毛詩正義

十四日校吳越春秋每卷之端有顧淵菴補逸文今索而錄之
第卿來云唐鶴翁又藏宋刻本單疏爾雅甚精

言一
五十九
十七日壽銘來携示渭漁致筠文書及古近體詩數十首鬱伊
善感情見乎詞

二十日燈下鈔寒山志明趙宦光撰其書雖山志而所記皆一
人一家之事以世無傳本且卷帙不多故錄而存之

廿四日近午前自鈔石湖志略兩葉燈下鈔寒山志一葉以為
日課

廿五日得子宜書招游端園

廿六日清晨襍被登舟午刻到濟

廿七日清晨坐環山艸廬觀雨砢砢不絕勢若湧潮半日許橋
平池溢紅關外半皆積水矣園主舊姓錢氏蔚如丈債為別
墅內外脩飾金碧煥然余尤愛迴波榭前臨方池後窗綠竹
千竿獨得幽曠之勝池前結鶴柵蓄鶴四前日覽其一又有

天然圖書樓由芳艇拾級而上推窗則靈巖諸山蒼翠在目
雨中望之隱見萬狀尤為絕妙米家畫本也

廿八日清晨至迴波榭獨坐忽見一鶴又斃於山石之側血肉
狼籍為獸類所噬無疑傷我仙禽殊堪髮指當作一檄討之
乘原舟回城

廿九日小蘇文來繳所鈔吳邑志亦借自罍里瞿氏
三十日仰雲來知渭漁已歸里午後即往訪之

閏月

初一日訪袁卿携歸春明墨選秋風轉瞬又將為佛腳計矣
初九日鈔石湖志畧畢續鈔文畧

十五日晴訪怡卿携歸章氏遺書一部章名學誠會稽人精於
劉班之學其書凡兩種文史通義八卷校讎通義三卷俱論

著述源流部分先後能由焦竑鄭樵之徒上窺七畧洵目錄之專門已

十六日理府志職官稿以咸豐前歷案同登錄覆校一過增改頗衆

十七日讀校讐通義終卷

二十日寫寒山志畢

廿一日繕職官稿

廿二日繕職官稿

廿五日繕職官稿漸有頭緒惟通判題名道光三年以後僅有三人此採訪之過也

廿六日續職官表

廿七日完職官表余所纂第六門矣

六月

初七日志局開館因瑤圃太僻移范莊前黃氏宅居停主人即梅先也是日甘丈蒙丈申季節卿皆來會

十二日訪渭漁送別出其家藏先世傳贊見示並係明人墨蹟間有嘉道間人初舊藏五研樓內有祝京兆文待詔小楷精絕

十四日訪節卿見新得楊慎韻經錢圓沙朱筆注其旁援引頗賅備其自跋有老人自娛不借人鈔閱之語當是未刻書也又偕節卿訪翼甫見鈔本周叔天官書注周字儼則郡人府志有傳

十九日至局中商定體例及定全書目錄約百五六十卷節中甘丈並來會

七月

初四日作蔣芾君傳代西園師捉刀

初六日陸康伯來繳所鈔稽瑞此書極妙傳本今泐生芾卿亦各錄一副流布漸廣矣

初七日民間訛言有黑青迷人其初來時大如鼠或如蝙蝠著人體則如犬如牛矣為所壓者多死其禍肇於江陰蔓延入武陽金匱四縣界鄉村鳴鉦鼓逐之至徹夜不敢寐今省中亦紛然不靖矣前日太白經于天又有城嘯陰兵之說雖不盡可信而民心岌岌彷彿庚申年當事猶懵然罔覺奈何

初八日鈔石湖文略畢

初九日得芾卿書還匪石日記

初十日作短歌一首題圖

十八日載行李出閬門同伴四人朱壽卿王芾卿管申季徐浚

三浚三永昌人希卿之親薄暮十里泊楓橋鎮

廿二日午刻抵金陵水西門偕希卿進城訪渭漁寓已租定在石壩街房主高姓舊院也

廿五日購白虎通一部抱經堂本又禮箋一部竹書紀年一冊
廿六日購山海經水經注合刻一部價洋兩圓四角
廿七日購水經注圖一冊

三十日訪愛杉文其居停主人方朔小東懷甯人前月歸道山
遺書欲求售因擇其佳者畧開百餘種未定價也

八月

初三日購松陵聞見錄一部

初四日購困學紀聞一部

初七日購定方氏書余分得九種共洋三十二元

祁刻說文解

叢書

述頤

新玲瓏館叢書

汪子遺書

唐類函

二林居集

說文答問

疏證

說文

輯文

輯文

山中白雲詞

十六日再過方氏看書簿暮又送來書畫十餘種有黃小松訪

碑圖桂未谷陳曼生隸書楹聯

十七日午後登舟禮卿贈姜瓖谿詩一冊瓖溪名渭南通州人

卒於浙之金華與禮卿及劉恭父善

十八日午刻至燕子磯泊舟登岸茗飲復上幕府山閒眺即所

謂觀音門也浚三健於行十二洞獨歷其三歸云境極勝余

無濟勝具不能往矣

十九日泊鎮江城內偕同人登北固山游甘露寺山之絕頂有

一亭趙楫聯云此身不覺出飛鳥垂手還堪釣巨鰲怒濤辟

旬風帆無數其氣象雄潤不弱金焦也又登石駟樓

二十日舟中得詩三首

廿一日泊無錫抵岸稍晚欲游惠山不果舟中讀桂未谷晚學集

廿二日日晡抵閭門進城屈指往返三十有四日

廿五日至純卿丈廬見書畫數種有管仲姬墨竹仇十洲楊妃出浴圖麓臺石谷山水墨井道人竹石陸包山花鳥

廿七日過世經堂携歸史漢字類一部又五經文字九經字樣兩種即玲瓏山館本褚墨精絕較金陵所購叢書相去懸絕方氏本決計售人矣

九月

初一日午後襖被到局芾卿亦來

十三日午後到局純卿丈來約同赴海虞即偕芾卿襖被登舟

是夜泊陸巷

十四日清晨泊常熟東門外純文進城余偕芾卿易小舟至蘇里村日方亭午晤潘之先生旋李申蘭先生來先生為虞山著宿精于目錄之學云翁叔平侍郎有殘宋本施註蘇詩一部此書邵長蘅所刻者後缺若干卷皆邵氏所續此本於邵氏所闕者獨完好無恙若取二本合併重雕可稱完璧矣又云澤存堂所刻廣韻其原本無入聲今龐司寇家藏有宋本廣韻有入聲無去聲又一施注蘇詩也

十五日終日校書余分得子部兩卷

十六日晨純卿文書來知南關信到余與芾卿並附名榜末

十七日終日校書目

十八日終日校書目

十九日偕節卿返省

廿四日同門單來出陸春江先生房侯念椿送黎里志一部徐達源山民撰

廿六日節卿卷第十房饒家琦所薦永詩師出溧水令丁維房十月

初一日座主龔叔雨先生省墓過蘇西園師大劉師並來關照旁午出城往謁未見見公子懷谷

十四日作釋道目錄補祖觀鶴順傳兩篇

十六日到局校正釋道稿

十九日校釋道畢

廿三日在渭漁齋頭見滑臺新驛記李少溫篆書北宋內府本佚其後半唐鶴庵大令命其姪女淮平從重雕本雙鉤足成

之筆勢流盪奕奕有神余所見少溫詩當推此為第一矣

十一月

初二日作七絕三首題携琴訪友圖

初三日夜偕申季芾卿為渭漁祖帳純丈直清作陪

初八日二弟合登吉期即於是日懸扁

初十日龔主考自浙還 朝道出胥江即出城往謁遲至漏下方得見

二十日渭漁有粵行清晨往送別芾卿申季不期而會潘小白丈贈彭南叟集一部沈濟之丈贈二白詞樂毅論刻本從渭漁處得海虞詩苑一部邵淵耀手批本是華雲卿物以抵程史者

廿一日東怡鄉贈韓文考異一部

廿二日購六子全書一部尚是世德堂原刻楮墨精好是明代最佳之本惜荀子有闕葉袁似山物怡卿為介紹

廿三日鳳石新自楚南謁假回籍往拜即留朝飯又拜惲仲清云鄉試堂備亦出陸春江先生房傾蓋新交忽得同門之誼亦一佳話也

廿七日購初學記一部價一元古香齋袖珍本

十二月

十一日怡卿書來附到六子全書一部闕法言三卷荀子不缺前所記誤也

十五日金子春丈贈三禮圖一部通志堂本

十八日康伯來繳所鈔吳邑志繼以續復古編

十九日東坡生日高碧澗大令劉泖生刺使設席傳園招飲同

席楊見山傳星槎見翁贈其叔兄抱山艸堂集及自著遲鴻
軒偶存各一部

廿一日作張孝時筠心堂稿跋代小林

丁丑正月

初三日芾卿來定十五首途

初八日作舊雨重聯圖敘一首西園師所委也

十五日夜芾卿來同乘月色下船宿舟中

十六日劉師下船即開行以風逆不得進僅行三十里泊唯亭

鎮登岸茗飲

十七日風順行百五十里泊黃渡鎮

十八日午刻抵滬濱僱小車運行李上岸住永安街義和棧

廿五日登豐順輪船同寓六人潘氏喬梓並家岳醉文鼎甫尹

南均同船

二月

初一日午刻抵紫竹林喚小舟運行李登岸住宏盛店

初三日辰刻登車行六十里至楊邨宿

初四日五鼓開車行六十里至河西務尖飯屬武清縣境復行六十里宿馬頭通州境

初五日午後抵崇文門至會館卸車與芾卿同寓合簪軒

初十日購詩總聞一部程史一部安陽縣金石錄一部

十一日午後至琉璃廠購揚州府志一部尹會一所纂京錢十千文

十六日購海運全案一部慕天顏五種一部皆江南掌故也又購內傳古注輯存一部平定張真齋舊藏物書中有硃筆點

勘處皆其手蹟前所得安陽縣金石錄詩總聞以非佳本退還之

十八日見浙江汪子僑行恭徐花農琪汪云曾見盧召弓先生詩經地理補釋乃其手鈔本此書未付梓故世無傳本徐云藏有呂氏春秋亦盧氏手校乃知抱經舊物尚在人間也十九日至敝肆買書得篇韻一部澤存堂刻本又得晉府本文選一部共價京平銀十兩弔卿同日得茶陵本文選上兩冊鈔補有高郵王氏朱記又有唐藩重梓本一部原本成化間所鐫翻張伯顏本此又隆慶間所刊價稍昂未能得

二十日覆試案發列一等十一名午前至敝肆購書得荀子補注一部又得晉藩本初學記一部有安本原序末題嘉靖甲午此本似從安本所出然晉藩自序亦在嘉靖十三年甲午

豈一年之中先後重梓耶實不可解

廿二日鶴丈緝庭訂游城南偕芾卿赴之見質丈及常州沈子佩昌字仁和楊雪漁文瑩先游慈仁寺觀大松即漁洋所賦也又有唐張夫人墓誌首兩行題大唐幽州節度隋使押衙銀青光祿大夫檢校國子祭酒太原王公夫人清河張氏墓誌末題李玄中撰哀子弘泰書陷於壁繼至法源寺亦名慈忠寺觀遼石函題名舍利函記述庵侍郎已箸錄得雅雨堂叢書一部舊板新印頗有斷爛處

廿三日午後至寶森堂細玩篇韻楮墨殊不精並多蟲眼因退還之

廿七日至歐肆散步購聚珍版書十種蘇州翻刻本

三月

初二日午後至琉璃廠購述學一冊卷首有高郵王氏藏書印
十六日出場至會館接三號信本月初五日酉刻舉一女
十七日柳門贈慎齋詩文集四冊湘陰左宗植仲基著畧閱一
過亦經濟家也

十九日同人在誼園公祭范文正公皞民折柬來邀偕芾卿赴
之出永定門十里始抵其地徐菴園炳烈主祭

廿二日購錢希言著述六種

廿四日午後至寶森堂購定鈔本輿地紀勝一部價京紋十一
兩又東原集一部吾郡杜璠著道光間韓氏刊本

四月

初二日至寶森堂購唐六如集一部

十一日同人集會館聽紅錄余與芾卿皆報罷

十二日購定玉海一部嘉慶間江甯刊板其書甚惡劣以價八兩得之又前得湖海樓叢書一部唐文粹一部價十二兩十三日質卿來言彭芑庭京兆欲脩順天府志訂質夫芑卿及余任纂脩之役開局松雲菴躊躇半日去留未定

十四日至寶森堂余所購輿地紀勝以近有刻本轉售於吟雪又購新雕宋小本字陶集兩冊後附聖賢羣輔錄領落卷出第十六房王祖光閱薦其卷首貼籤光字四總裁以正知為大光明為記錢侍郎寶廉所棄也

十五日質文來公議作書敘芑文辭志局館

十八日晴偕芑卿至同泰莊見胡子庭定單車四輛二把手兩輛準於二十日出都同伴四人趙師質文芑卿

二十日已刻開車申刻抵通州城外僱定黃快子一隻即下船

廿三日午後抵天津即搭海晏輪船

廿七日夜抵吳淞口

廿八日平明進口復易小舟泊新閘

廿九日巳刻開船

五月

初一日薄暮抵舍

初二日校稽瑞一卷

初三日校吳邑志是書吳校庵以舊鈔本校正兩本異同處朱筆塗乙寫官不知竟據吳校傳錄而刻本之面目全失矣因為重鈔數葉

初七日校吳邑志畢傳錄山海經校本原書明吳琯刻常熟邵恩多閭仙從士禮居借宋本手校異同處墨筆細書其上余

以天都黃氏本對臨一過黃本差勝於吳故與吳異而合於宋本者甚多亦為分別注出

十一日袁仰雲來繳所抄白虎通校字一卷中季以北宋坊本與程榮本對勘錄為此冊宋本則得之唐鶴庵今歸鄭益侍郎矣校山海經畢得渭漁書并示近作數首中有句云局促長安春夢客試言仲季業誰多嗚呼今春夢醒矣

十二日東仰雲

記鈔世德堂楊子

葦卿東來附去黃刊孟子音義一冊

補鈔易林四葉

十三日傳錄校宋本易林此書宋本舊藏絳雲樓瞿曇谷借以校別本頗有異同陸敕先又從曇谷校本傳錄其後盧學士抱經臨之澗菴居士又臨之今所臨之本即出顧氏上方有澗菴按語前後有跋亦借自鐵琴銅劍樓

十四日校易林用墨筆至同人卦讀隋書經籍志此書章宗源有考證未見刻本

十五日校易林至大壯卦

十六日校易林至夬卦

十七日校易林至節卦

十八日校易林墨筆終卷改臨朱筆

十九日校易林朱筆至蒙卦

二十日校易林至泰卦讀隋書經籍志

廿一日校易林至噬嗑卦

廿二日東帝鄉借隋書經籍志亦揚州新刻本惟以元至順間隋州路刊本校過可以釐正訛謬校易林至大畜卦

廿三日大雨至夕暴風發瓦畫禪寺門前有大樹兩株連根吹

倒桃花塢民屋亦壞於風至有被殲者校易林至震卦

廿四日校易林至震卦

廿五日校易林至兌卦

廿六日校易林畢

廿九日讀毛詩正義至校童章

三十日讀毛詩鄭風畢

六月

初一日東萊卿

借唐文粹

讀詩疏至東方未明章

初二日讀詩疏魏風畢

初三日見壽銘以渭漁見寄詩一首相示中有句云君頗艱家
食近計將何如又云寒餓吐秀句局促登公車嗚呼如渭漁
可謂知我者矣

初六日得偉如年文書招赴武昌

初七日鍾子靖來見借元刻唐文粹一部與余藏嘉靖刻本無異皆每葉十四行是明刻即出自元本也

十一日讀詩至秦風

十三日讀詩至曹風

七月

十九日將之楚游未裝得申季書僧守一持來問南禪寺碑記
廿一日午後登舟

廿二日日昃至周太僕廟候潮登岸瞻謁太僕諱中鉉國朝
雍正間松江府知府潘河有功鄉民崇祀於此今於其廟設
釐捐局暮復行至黃昏抵上海新聞泊船

廿七日購吳才老韻補一部據後跋語是元時刊本但無敘文

審其紙墨殆明初本也又得方彥聞集一部

廿九日搭定江寬輪船午前押行李登舟又赴醇雅堂書坊購定汗筠齋叢書一部薄暮歸舟與仲平聯牀平明開行

八月

初五日已刻抵漢口停船署放紅船來迎即偕醴文同渡至武昌漢陽門外角輿到署見偉文及子宜昆季慶文某文留仙立三宛平胡慈圖歸德陳仲陶

初七日偕醴文某文子靜同登黃鶴樓遠望漢陽歷歷可見晴川閣即與茲相直樓中奉費仙像橫笛跨鶴振羽欲飛周覽四隅絕無疥壁詩豈以崔顥題詩在上頭耶烹茗憩飲少頃即至胡公祠瞻謁祠外一亭內陷衡山岫巘碑末附楊慎釋文並有唐訓方跋譏升庵之妄以為碑所列非古字跡即抱

朴子五岳真形說雖創頗有理解祠中所祀為官秀峯節相及文忠公今土人祇呼為胡公祠可見兩公優劣即在輿論中也

初九日雨旅窗無聊取迦陵詞讀之

十二日偕同人謁曾公祠其地在蛇山之麓即圓經所謂黃鵠山也倚山為屋長廊幽窳最高一層名曰凌霄閣憑闌遠眺則鸛鵲洲黃鶴樓皆在其右其旁建四公祠祀胡公林翼羅公澤南李公績賓績宜皆楚材也

十四日讀通鑑展卷始

十五日椒坡丈贈王笈甫畫鍾進士像題記一冊笈甫名鴻朗浙之鹽官人亦寓鄂

十七日留仙見示戴毅夫集唐詩三十首其最警一聯云數行

書信千行淚君手封題我手開天衣無縫此足當之矣

十八日椒坡丈贈金冬心題畫各種一冊

十九日購國朝駢體正宗一部楚中鬻書者皆無裝池俟購定再議訂工每冊約加錢五文工極劣

二十日瘦羊先生以其尊妣蔣孺人孝行述畧見示並徵蕪詞作古詩一首應之

廿一日作吳烈婦詩一首亦磨文所委也

廿四日柯巽庵來襄辦署中筆墨事件武昌縣人秋谷文所薦其分校鄉聞所得士也讀通鑑至第六卷後十日一書以為例

九月

初四日讀通鑑至第十一卷梅先以救荒章程五條見示近黃

言一
七十
陂孝感諸縣亢旱為災當事擬設局散賑但經費浩繁不知從何籌款也

初五日和西園師七十自壽師六首即次其韻

初六日夜讀工部詩以為常課

初八日夜觀淮軍平捻記陽湖周孟輿所編不見此君四年餘矣念我故人為之悵然

初九日登黃鶴樓得詩一首

初十日得詩一首次石君韻

十一日得詩一首答石君

十二日代椒坡丈作聽香室集序一首其兄時軒之著述也約四百字捉刀之作不留稿

十三日蔚丈以桐城楊伯衡詩文見示並屬代撰跋語數行楊

君丙子進士湖北即用知縣其文頗似歐陽永叔詩亦有根柢孰謂風塵俗吏中遂無名士哉

十四日讀通鑑至十五卷

十六日代偉文作洗冤錄詳義序一首此書許珊林樾所撰鄭金侍郎曾刻於京師滬上葛氏復有刊本皆鑿削精好今凡四刻矣

十九日讀泊宅翁青溪寇軌一卷

廿一日見進脩齋古文丹徒張福鐙撰其人需次在鄂文頗簡淨有法而筆力稍弱

廿三日

檢詩律武庫有康熙乙未崑山余起霞序中有唐之類函宋之事文類聚云云不知類函乃明俞安期所纂并以唐字者

集唐代類書而成也余之言可謂疏且陋矣

前日黃鶴樓上獲羽冠兩人搜出偽印符籙等物又有偽錢
橫徑一寸餘如雞子形文曰天保通寶亦徐鴻儒之徒也

廿四日讀通鑑至二十二卷

廿五日吳庵見示李昌谷集何北瞻校本後有自跋

廿七日避庵示古泉文曰夫妻諧老字在分隸之間疑唐錢也
得芾卿書知瞿潘之文前月上郡中途猝故不勝錯愕

十月

初一日復理故業讀毛詩正義

初二日

詩緇衣疏引考工記鄭注染纁者三入而成緇又再染以黑
乃成緇按鄭氏原文三入而成下去再染以黑則為緇又復

再染以黑則成緇孔氏不應舛漏如是今本注疏疑有脫文
詩兩膠雁行疏引曲禮注云雁行者與之並差退按上曲禮
五年以長則肩隨之鄭云肩隨者與之並行差退孔疏所引
殆即指此然經注皆云肩隨不云雁行冲遠誤矣

初四日定課程剛日讀經柔日讀史讀通鑑至第二十九卷

通鑑漢元帝建昭元年臣光引詩曰聽我藐藐胡身之注引
鄭箋云藐藐然不入也我教告王口語諄諄然王聽聆之藐
藐然按第一句毛傳文也下二句鄭箋文也胡氏誤合為一
初七日鈔曹本續復古編始用洋皮紙較舊連為勝

初九日讀張湘濤太史輶軒語教人為學淺近易入治經一條
尤為詳明剴切直省督學皆能如是何患人才不振哉

初十日偕巽庵訪書賈戴某購秋笈集八卷又孔叢子一冊首

有大梁李濂氏序不案何時刊本也

十三日購溫公家範兩冊天都黃氏刊本

十四日讀通鑑至第三十二卷

十五日代偉文作進脩齋集序一首

十六日得家岳書知吳中錢價踊貴銀一兩僅換錢一千三百餘文加以百物長價年歲不登寒素之家更形支絀矣遜庵見示所作湖北三都賦又云楚中學者以黃諒輝耀亭為最又有范昌棣亦高材生今已死矣

二十日得詩一首代偉文

廿一日四妹于歸王氏吉期遠羈楚北轉至置身事外自問歉然矣

廿三日子靜約學作古文達三為期是日始

于定國論

漢興寬平之吏莫如張釋之于定國二人者決獄平廷尉之
有聲者也廼考漢書百官表定國自地節元年始為廷尉至
甘露二年遷御史大夫凡在位十八年其時朝廷大臣抵法
死者如趙廣漢韓延壽蓋寬饒死非其罪天下寃之平通侯
之獄其失僅文字之細而廷尉按驗當憚大逆無道至於壽
斬嗚呼廷尉天下之平也趙蓋韓楊之死其得謂之平歟藉
曰平也則是李斯趙高皆循吏而誹謗詆言之法且得與唐
虞五辟共號祥刑也有是理哉及讀史記酷吏傳曰嗚呼此
廷國之所以為平也夫人情於凍餒之餘得一臠之味而以
為庶羞也得一尺之布而以為重裘也何則極敝之後易於
見功積重之勢貴能速返也漢承秦弊文法刻深定國以前

官廷尉者張湯趙禹義縱王溫舒皆著名酷吏莫不以鍛練
為能以故縱為戒天下之民重足而立至有蒼鷹乳虎之目
民之痛心感頌者亦已甚矣定國崛起刀筆猶能矯俗吏之
失承之以寬朝廷俞然以為可比張釋之其居心忠厚迥異
猛酷之吏小民自呂不寃固其宜也所謂鐵中錚錚庸中佼
佼者也雖然使當刑措之世則亦僅勝俗吏耳安能與明慎
用刑之皋陶相提並論哉其號為平者漢法之嚴為之也古
人有言云畫地為獄議不入刻木為吏期不對此當時疾吏
之言豈虛語哉

廿四日讀通鑑至三十三卷

廿五日

詩雞鳴疏引列女傳平旦纓笄而朝則有君臣之嚴又云莊

二十四年公羊傳何休注其言與列女傳亦同今公羊傳解詁寔無此文當有脫落或墨守之言而孔氏誤也又按莊二十四年公羊傳有大夫宗婦覲用幣一條孔疏所引疑即此傳之逸注

廿六日夜讀東坡上神宗皇帝書

廿九日見開平礦局招商章程大畧集資八十萬兩分為八千股每股津紋一百兩訂請西國礦師購用西國機器造鐵路以省運費定稅額以充國庫主其事者唐觀察廷樞也

三十日夜夢寄書來者發函伸紙末寫曹溶頓首筆迹飛舞歷歷在目但書中何語則忘之矣余癖嗜墳典好藏弄古籍與倦圃叟有同志雖隔二百餘載尚能於寤寐之中精神來告嘻奇矣

十一月

初一日子宜贈石筍山房集一部商邱胡氏重刊本

初二日繆小珊自都中來云歸安姚氏復在蜀中刻遼金元韻書三種遼龍龕手鑑金五音集韻元韻會也又云陽湖洪氏北江先生之裔僑寓鄂中現在重梓北江全書並有前所未刻者當今海內昇平四方士大夫敦尚樸學遺經古籍及國朝儒先著述漸次開雕有志之士不患無書可讀矣

初三日仍偕吳庵子靜作課

唐藩鎮論

國之強弱視乎兵無兵者弱有兵者強兵之強弱視乎將無將者弱有將者強此其大較也雖然不善用之無兵固亡有兵亦亡無將固亡有將亦亡唐之末造荷戈而執銳者不知

其幾也建牙而開府者不知其幾也而有一兵即患一兵之難制有一將即患一將之不恭武夫悍卒接踵而起卒以亡唐此其咎不在無兵無將而在於有兵有將亦不在有兵有將在於有兵有將而不知所以制之何則兵者易動難靜易聚難散三代以後軍伍之法無可言者惟唐初府兵可動可靜可聚可散內外相維上下相制猶有三代寓兵於農遺意惜乎行之不久一變為彊騎再變為藩鎮強臣悍將兵布天下而京師之兵弱矣間嘗考新舊書所載藩鎮之始肇於邊防其制有軍有城有鎮統之以道道設大將一人曰大都督永徽以後都督帶使持節者謂之節度使自後沿邊各道皆設節度安祿山兼三鎮而其權益重天寶之後諸鎮擁兵自強有其土地有其人民有其甲兵有其財賦撫之益驕征之

不服雖有英君察相亦且忍恥含垢因而撫之蓋其威權之積由來者漸矣然則唐以府兵興不以藩鎮亡哉或曰天下之勢必有內憂而後有外患祿山之叛也國忠實激之懷光之反也盧杞實間之全忠之入也崔胤實召之內無巨慙雖有強藩亦奚能為不知唐之叛鎮亦已多矣李希烈吳少誠繼竊鉞至若蜀之劉闢潞之劉悟河東王氏魏博田氏莫不抗兵拒命負隅自強豈盡激之使然哉養虎於室終必噬人必曰食人者佞為之非虎為之雖愚者不謂然故曰亡唐者藩鎮未可委之於權奸也或曰開元以後宦豎竊柄廢君主君皆出其手其禍較藩鎮尤烈不知宦官雖強祇能竊天子之威以肆行無忌所謂城狐社鼠非有搏噬之能也是以甘露之變劉從諫上疏而士良驚心沙苑之戰李克用興師

而今致歸罪迨至汴晉交關岐華互釁而推刃於天子者卒
之外兵非內兵也故曰亡唐者藩鎮未可委之於宦官也嗟
乎當此之時舉天下藩鎮皆天子之帥也舉天下藩鎮之兵
皆天子之兵也然而藩鎮即藉天子之兵以脅天子則是天
子有兵與無兵同有將與無將同有將而將叛且不如無將
之為安有兵而兵驕且不如無兵之自戢君子觀於唐而知
兵之為禍烈矣然則有國有家者其可授人以柄哉

初四日訪繆小珊送別并交去續復古編一部即屬其携至蜀
中求姚念慈觀察重梓此書自元迄今世無傳本今小珊云
姚氏勇於流傳古籍必能代為剞劂亦一機緣也讀通鑑至
三十六卷

初五日偉文藏有高安朱文端公所刊溫公家範欲為重梓屬

取新得黃氏本校之朱本較勝黃本謬誤頗多而楷墨精好絕似佳本甚矣書亦未可以皮相也

初九日陰雨校家範畢黃刻誤者十之七朱刻誤者十之三又以溫公所引書與今本對校往往有異

十一日得永師書贈其大父礪香先生遺集一冊

十三日偕巽庵子靜作課

弈喻上

昔韋曜作博奕論以風當世有識之士引為炯戒雖然博之與弈則有間矣夫弈之為道縱橫出入變化不測其取舍之勢有似神於用兵者方圓弦弧錙銖必審其乘除之術有似精於握算者見可而進知難而退以屈為申有合於老氏之旨者其靜也專其動也直以消為息有合於大易之義者一

優一絀勝負立決其循名核實有似名家之辨理者一死一生安危可分其由表裏有似醫家之切脈者是以善於弈者如良平之兵無不推也如宣髀之術無不準也如河上之於道其言無非元也如淮南之於易其解無非象也如鄧析尹文之徒條理無弗察也如越人扁鵲之技癥結無弗洞也以操為縱以離為合以守為攻以退為進天下之理孰有出於弈之外者乎弈亦何可輕哉

弈喻中

弈之技古與今孰優曰今優夫天下之事大抵今不如古弈何為獨優曰是世風之變也人心之壞也機械變詐之情愈趨而愈巧也不獨弈也疇人亦然借根之方立天之術要非重差夕桀之篇所能踰也星辰之度古慮其差今則盈縮疾

遲有儀可測也夙莫之節古慮其愆今則分寸妙忽有表可稽也取火於日取水於月奇矣今則震電之光皆可吸而藏之帆以駛舟牛以駕車便矣今則水火之力且可激而動之凡此皆用機者也弈之勝於古也亦宜昔者灌陰丈人耕田不用桔槔以其有機也今則舉天下之器無所不用其機至於製造有局格致有院所以揚其波而助其瀾者也若惟恐機之不至吾不知自茲以降其機械變詐之風又將何如也君子觀於弈能無世道人心之懼哉

弈喻下

或曰信如斯言滿人之真散人之朴宜莫如弈然而古人或有取者何也曰弈之道雖巧而有至直者存焉弈之情雖變而有至公者寓焉今試有訟者於此一理直一理曲直者未

必申曲者未必屈也又或有賈者於此一才短一才長長者未必富短者未必貧也將憑文章以鑑士乎委瑣齷齪之輩有時而售也將懸條教以察吏乎選懦貪酷之員有時而最也不獨此也雖一鄉之間而毀譽有不實者矣雖百年之後而是非有未定者矣惟弈不然工者必勝拙者必負使上者與中者角則中者敗不可幸而勝也使中者與下者角則中者又勝亦未嘗不幸而敗也於是乎有受子之法論其藝之高下而為受子之多少自二子以至九子皆有下此不成為弈矣雖一子之差不可強為盈縮且其工拙之故不獨弈者知之也從旁觀者亦能耳而目之曰某實勝某實負親者不能掩怨者不能毀也然則直道之存方將惟弈乎是賴而必曰是機械變詐之風不可長也亦未免膠柱鼓瑟之見也存

其中矣或既退爰書此意以為論弈者進一解焉

十四日讀通鑑至三十九卷

十九日至官書局購說文引經考證一部嘉定陳瑒撰又說文通檢一部讀洪北江伊犁日記

廿四日作詩六首

代柯遜奔奉和西園師七十自壽詩原韻

遜庵庚午省試受知於秋谷世丈於師則為小門生焉

岱宗與天齊醴泉自地出結根固召堯安流殊迅疾仰維通德門矧當太平日輒轍蘇氏兒朏朏謝家姪神駒矯首鳴能使凡馬黜巍然魯靈光道足示表率蓬島游清華梓鄉躬任郵為善後必昌簪纓宜勿失其一

傳家有治國惠政流鍾祥絃歌稟庭訓視民誠如傷

先生次
君秋谷

常署鍾祥縣事庚午分憶昔歲在午棘院嚴清霜鉛刀期一
校鄉閭與處出其門
割竊欲儕魚腸突兀深叢巖氣足吞輩行我師稟真鑑玉尺
量短長巨鯢縱大壑噉鳳翔高岡匠門有矩矱佩韋勿敢忘
其二

經霜竹不彫綴雪梅益老惟彼歲寒姿得天異凡艸先生秉
純嘏矍鑠古來少譬如顏頤翁百年猶離祿彈琴締古歡抽
簡敦夙好俯仰足自怡蓬廬永相保澗上有舊游山中獨歸
早願言作霖雨斯民色方稿其三

飯生志不偶素筆常依人登車既御李投轄旋歸陳

秋谷應署嘉魚

鍾祥各縣與處皆在幕中猶之波與勃亦備藥籠珍猶之紹與鐸下問島

堯民絳帷日問字恍被春風仁願從桃李後獲覩松喬身論

詩杜稱史講學鄭為神此志惜未遂北斗瞻星辰

先生樂家居未嘗至

解組今歸田彈冠昔筮仕白雲在太空可行亦可止西園樂
可尋東山卧不起堂前三株松湖上兩芒履吳中富鍾毓金
箭產特美經義與治事安定有遺旨先生開講堂誘掖志不
已安得從侯芭載酒介麋社其五

楚天一為別擊楫錢唐流

秋谷因迴避改官
趣有初冬自達

人生有離別幻

若波中漚江頭試遙望濁浪掀陽侯儻焉不自得佗條誰為
傳早受國士賞自問難見酬惟願佩桎訓庶使沈疴瘳開籐
發新筴朶朶幽蘭抽何以報所知荅尤當可求其六

廿六日購局刻子書數種又漢書地理志校正一部

廿七日貞孚丈贈皇朝諡法考一部

廿八日代芾卿購洪氏遺書一部午後得袁卿書記購明史吐

嗟而辦連匣拾千文將歸至各處辭行

十二月

初一日偕立三渡江搭漢陽輪船艙位甚窄惟價較廉每人止取洋五元

初六日午刻抵上海住義和棧遇渭漁自粵歸道出此間江海萍蹤無端聚首其快何如耶

初八日發行李下舟午後開至黃渡泊

初九日至趙屯港阻於冰稍停復行三十里至萊蕪洪

初十日至車塘冰厚尺許不能進一路停舟何止數百號即偕立三登岸行十里至崑山城外欲僱長轎價昂未果復回舟泥濘滿道兼以兩足皸瘃不勝其憊矣

十一日稍進至青龍橋

十二日打水行十里至崑山朝陽門泊偕立三進城茗飲有餅
家傭詢余居址甚悉猶能詳先大父時舊業不啻聽白頭宮
人談天寶遺事矣

十三日行二十里至古信義城復為水阻

十四日改由小路行午後抵婁門歸舍卸裝

二十日昨芾卿書來送至堯圃題跋一宗柳門將排比付刊屢
增補校正

廿三日祀竈渭漁贈鑑止水齋集一部報以石笥山房集

廿六日自裝顏魯公家廟碑共三冊按碑中序世系云戰國有
率燭據今國策祇有顏觸燭與觸古字通也又有見遠者字
亦見遠蓋名與字同

廿九日自鈔孫從添藏書紀要粵中述古叢鈔本並非佳刻因

無單行本而其書為案頭所必需故州州錄之
三十日帝卿來携去輜軒語一冊得詩兩首

緣督廬日記抄卷一

女夫王立勳謹鐫印
邑後學潘承弼謹校

緣督廬日記第一冊校勘表

葉次	行次	格次	誤	正	葉次	行次	格次	誤	正
序一	三	廿四	蒿	蒿	四十六	二十一	十一	故	於
序五	十一	三	已	辛	五十三	十五	六	脫脚字	增脚字
十	二	六	師	詩	五十五	三	九	吳	旻
十六	十六	五	夫	丈	五十六	十六	二	七	八
十八	六	十	意	竟	六十一	十一	四	五	晴訪
二十四	二十三	十二	潘	梅	六十四	十三	十六	詩	書
二十八	十	五	還	(衍文)	六十九	七	十三	東	東
二十九	九	五	竹	琢	七十二	四	六	圖	譜
三十七	七	二	南	北					
四十六	七	十四	卿	親					

第一冊校表